

此照爲使俄返命時在奉垣所照



友蘭自識

此爲東省鐵路公司監察局稽核員關君賓如之照君精通俄文語余此

次使俄偕君同行深資臂助殊可感也

友蘭附識



此爲予在俄京莫斯科俄外交總長齊切林氏招飲於愛列米塔日公園時所拍之照圖中坐于左者爲齊切林氏次王文璞君次俄東方局科長沙羅夫堯夫次俄東方局長杜霍夫

斯基次關鴻翼君次俄外交次長葛爾斯亭次王偉君其立於後方者則爲該園之僕役也
時民國十二年秋八月

李友蘭識



序一

歲癸亥季道尹香齋奉使如蘇俄參觀其農業博覽會閒以其暇游歷波蘭德法三國於共產佳兵之害既目覩而神傷矣箸爲日記以問序於余余謂彊梁者不得其死柱下之言不誣也俄德法皆一世之雄曾幾何時德之國瀕於亡法之民日以減而波蘭乃光復其舊物也彼蘇俄者倡行共產世之人所目爲洪水猛獸者也而自改之不旋踵於知凡非生人之行而至死人之理者喻如湍水之不久激暴雨之不終朝夫共產之不適經濟家昔已深斥之蘇俄悍然而行又以國人皆弗願不得不改絃而更張焉

此在開化較晚之邦不能行已若是矧其在歷史最長大
道惟公之中國何則天地之道因材而篤演化之程易時
則異是以毋追不習於裸國疏越不奏於巴渝人有恆言
曰玉扈無當雖寶非用况夫兕觥又非玉也共產之於人
豈惟不若兕觥哉假名於公奪人之有恣睢者數夫罹害
者萬衆所謂姦雄結軌於千里蒸民塗炭於九隅者蓋惟
此爲然夫大德曰生因民所利我國以爲政本也亦久矣
帝王質文世有損益及紂察其統古今皆以一源導也夏
之政行殷之政善周之政至行政未必善善政未必至也
日以向上人之性夫豈有入幽谷而下喬木者淮南書曰

至至之人不慕乎行不慚乎善神皋之國炎黃之胄繼自今其愈至可知百世無惑耳洋洋乎九功之歌以利用厚生者豈徒哉民生有欲不得則爭倉廩實而知禮節衣食足而知榮辱下令所以若流水之源也古之人禮節民心樂和民聲政以行之刑以防之猶未能無怨不爭也蓋務蓋藏長子孫者人之情若變相沿之有而聚之於國竭勤動之得而收之於官以爲法式以此責人是不愛人以此自行固不愛已其道太穀其究難爲反天下之心天下不堪宜其不能終行也卽以無道強迫而行則非惰逸卽鋌險耳惰逸則乾坤或幾乎息矣鋌險則國家何賴焉且公

田者封建之迹也自周衰至今三千有餘歲彼去封建近逆而反之已背自然不能行而謂遠者而能之乎易曰無平不陂無往不復艱貞无咎勿恤其孚于食有福夫何須嫠恤而杞憂耶香齋日記於此頗齷齪因揭明其故爲之序而歸之世之人庶亦將有昭也

民國十三年歲次甲子二月代理奉天省長王永江序

蘇聯立國瓶古今中外未有之局舉從前各種政體廓而除之非往實地觀察豈易窺其實際然其人非學識素裕眩於一時外有之象見地不能無偏亦豈足據乎吾友李君香齋去秋捧檄赴蘇聯首都參預農業博覽會余聞之甚喜蓋深知其才器通達考查所得必能信於國人識足以濟之也及冬而歸眎余此編讀至蘇聯政治組織數章以如此躊躇之原理寫以明快之筆不一評判而彼中真相已顯豁呈露尤爲難得夫俄廷之箝制其民爲彼羅馬諾夫皇室傳世之策壓力之反動必超過於受壓之量物理所同五六年來彼邦思潮乃如丸走坂愈趨愈急終

蘄向於平民獨裁摧陷貴族資本家之蹤影而後已勢固然耳若云此制之良惡可無論也國無不敝之政世無無弊之法往古聖哲創制猶申誠之曰窮變則通矧蘇聯此制卽云適合俄今時勢安知異時彼之民族思潮不又轉換而別有所謂適宜者存乎李君此編述彼政體比量同異良云賅洽而獨於其得失優劣悉屏不書洵乎能識其體要者夫

瀋陽王樹翰序

題辭

一士讀萬卷書須行萬里路識量拘於爐門戶不出故卓
卓香齋君昭晰洞時務林業富考察往歲東瀛渡所得
非不多意猶不自足北游恣參覽西上程兼赴歸輪勒
成書一一相告訴展卷資臥遊心目爲交注

二許行並耕談子輿所痛詈奈何數千年復有師其意未
讀亞聖書惡知治人義擾擾苦不寧改進費人事溯從
洪荒來立國於天地高卑貴賤殊天然有定位乃比而
同之滑稽笑游戲過激亦何爲此義世所棄斥共產

三上希好生德視物靡彼此胡爲悖之行胥欲置諸死恃

爾物質精世界罕儕比恃爾軍律明下令如流水萬化
根人心恃者不可恃崇朝勢潰決戰勝乃公理古聖重
畏天元首天之子所事與天違蒼蒼不佑爾集好戰

四芸芸天壤蕃有人此有國生齒聚日滋終古未有極謬
種遽流傳斬然肆戕賊霜嚴萬卉枯月黑天容墨忍自
絕其機榛莽壅否塞大德曰生生今乃故抑勒不亟豁
其蒙乾坤幾乎息荒謬真絕倫我聞心慘惻哀避姪

五三戶可亡秦有剝終有復河清豈難俟惟自視人壽古
人重興繼滅絕肯成就我不爲之夭困獸猶能鬥大綱
自恢恢疏而弗虞漏勿曰弱可殘藐茲神明胄氣象煥

然新邦名仍如舊興亡反覆間公理存宇宙許獨立

遼陽袁金鑑

自序

余去秋歸自歐洲同人爭以海外風俗政教爲問語未能詳心滋疚焉先是蘇維埃新國肇造特開農業博覽會於莫斯科用新觀聽各國多遣派代表往預斯會余奉大府之使命俾往參觀所以聯邦交資借鏡甚盛事也至時開會延期旅居無賴爰作柏林巴黎暨波蘭之游足跡歷四國不無見聞顧程期迫促道途修阻以短淺之眼光作急遽之觀察凡所攷詢徒賴舌人所得亦僅獨念歐戰既罷舉戰勝國之發展與失敗者之補救在在與我國有關矧蘇俄毗連東省利害關係尤爲密切有心時局者方且搜

羅譯編藉覘眞相而謂親歷其境者可無毫末之貢獻乎
故不揣謬陋就途中日記參以臆說付諸手民固知腦力
薄弱不能道其萬一所願邦人君子不吝教誨繩繆糾愆
豈惟鄙人之幸抑從來紀游之作往往侈談風景鋪敘山
川茲編概從簡略以余職在行人所紀應有重於此者是
則區區之微意也

中華民國十三年一月 法庫李友蘭自識於洮昌道署

新俄羅斯游記

赴俄之使命



歐洲大戰之後馬克斯學說盛行全球勞動階級漸佔勢力各國政府明知潮流所趨不可遏抑思所以疏導之俾就正當之軌道故組織工黨內閣者有之專設勞動部者有之特立勞動局者有之（我國內務部擬設勞動司）公定國際勞動時間改正工場管理規則一以限制資本家之暴橫一以保護勞動家之安全大有岌岌不遑急起直追之勢誠以勞動問題爲今日人道主義上最重大最緊要之務也夫世界中著名專制之國厥維俄羅斯惟其專制愈甚而革命黨愈多即物理學所謂壓力愈大抵抗力亦愈強也故俄國民人十有七八抱有革命思想者前仆後起斷送生命不可計數迨

西歷一千九百十七年三月九月兩次革命風發泉湧傾覆帝制揭櫈兵工農（又稱勞農）社會主義建設蘇維埃（委員制之義）共和政府於莫斯科六七年來漸次統一全俄蘇維埃聯邦共和國基礎於以大定此絕大事業成功若是之速遂引起全世界之注意莫不急欲一覘其真相然俄國革命以來爲一種經濟政策與外國斷絕通商各國雖非常注意而調查不易僅有冒險者藉種種手段游歷其國偵察所得不過片面一部分而已（如日本川上俊彥之勞農俄國我國江亢虎之新俄游記等）余思俄國與我壤地相連政體相同攜手之日當亦不遠苟不明其國情交涉無從措手況我東三省首富其衝久欲游歷其國而苦無機會乃於七月二十三日接史署長曜五（交涉署長名紀常）電話告知張總司令及王省長徇俄代表越飛氏秘書達夫欽之請派余赴俄國莫斯科京城爲東三省代表參觀農業博覽會竊幸藉此機會可達

考察新俄政治之目的即日謁見張總司令及王省長面奉使俄之命因開會期爲八月十五日須於二三日內起程方可及期趕到繙譯隨員由余自聘旋即匆促治裝料理一切余思小兒希珍赴德留學定於下月首途年幼無知初次出洋應代爲籌備又小女葆淑亦於下月于歸賀氏又新營省城之寓所圖樣將竣下月可以投標動工個人私事正處蟄集何能遠涉異國然一則重以上峯之命一則藉償考察之願遂將個人私事置而不顧即在省城延英文譯員王辛南君（名偉奉天工業學校英文教員）惟俄文譯員甚難其人後蒙于總辦雲章函請東路董事袁君潔珊由哈代爲延聘旋即回至安東將採木公司職務派李課長華亭代理二十六日赴省謁張總司令及王省長請訓告辭二十七日晨六時乘南滿鐵路火車起程午間抵長春吉林督軍行署在焉爲南滿路吉長路中東路之交點故在此換車余下車往謁孫督軍告以赴俄之

便命午後換乘中東路火車赴哈爾濱

哈爾濱

二十八日晨抵哈爾濱下榻於新世界旅館旋往謁袁董事潔珊詢知俄文譯員承其代爲聘定關賓如君（名鴻翼瀋陽人哈埠俄國商業學校畢業現充東路公司監察局稽核員哈爾濱市董事會議員）即在袁君處晤面商量赴俄之一切手續旋即往謁哈埠特別區朱子樵長官及蔡品三道尹卽請蔡道尹通知駐哈蘇俄代表並約定往訪之期二十九日王辛南君亦到本日適星期日同陳止中廳長袁潔珊董事蔡品三道尹游覽馬蓋卿（名忠駿現任市政局長）之別業距其馬家溝寓所約五六里地方幽僻別闢異境中建精舍三四楹額曰晚稼軒室內精潔整齊窗外桑麻鋪棻蔬菜滿畦前面馬君之生壙在焉於此繁華地中別饒林泉之趣爲心曠神怡流連不置三

十日蔡道尹設筵宴請蘇俄駐哈代表波果金招余作陪席間與波氏約定翌日三時往其辦公處拜訪屆時偕道尹公署李科長紹庚同往波氏徇余之請致電彼國政府請沿途保護一切據伊稱星期四（八月二日）有由瀋洲里（中東路與西伯利亞路之交點即國境交界處）開往赤塔之通車否則須俟下星期四矣余以會期伊遼不克久待遂決定明日（八月一日）由哈起程回寓收拾行李所帶僕役關秀清一名不通俄語復在哈埠臨時雇用能操俄語者一人名李升即囑關賓如君赴濱江道署請領護照再送俄代表處簽字復有王晦菴君文璞（國會議員曾在國會提議組織俄德考察團者）持楊麟閣總參議介紹函來請結伴同行余極為歡迎約定明日起程同行共六人途中頗不寂寞

哈爾濱為中東鐵路之中心原中東路線係丁字形哈爾濱即在丁字之交點處為東

亞陸地交通重鎮從前商務發達全埠分道裏道外二部分道裏爲中東鐵路附屬地道外卽我國商場地商店林立居民衆多自俄國革命後因俄幣（盧布）暴跌商家損失不可計數復因與俄國斷絕通商以來近三年中我國大小商店倒閉者幾達三千餘家之多商況衰頹氣息奄奄有不堪回首之概其輸入商品俄國最多德次之（指歐戰之前言之）日本又次之我國出產品由哈爾濱輸出者大豆麥粉木材毛皮製革豆油豆餅居多祇就糧食一項每年約有一百萬噸餘可知矣道裏商店多係俄人英德法日間或有之

哈爾濱之通用貨幣種類甚爲複雜硬貨有大洋小洋銅元紙幣有官帖及各銀行之大洋票小洋票金盧布日本金票等不勝枚舉價格隨時漲落居民暗中損失甚鉅幣制之不統一哈埠爲最甚

中東鐵路

中東鐵路東連海參歲西至滿洲里爲幹線其支線由哈爾濱分歧南下至大連爲止勢力之雄厚直可操縱東亞大局所以日本寢食不安不惜孤注一擲以抵抗之於是
有日俄之役（光緒三十年）俄敗於日退至長春乃割中東路自大連至長春一段（
日本改名南滿）與日本媾和雖中東路之勢力稍弱然所餘長春以北之路終居上
游之勢尙能制南滿之命而使之不易發展即此可見俄人魄力之偉大不可輕視也
中東鐵路之經過情形非常複雜茲略述之光緒二十二年清帝遣李鴻章赴俄賀俄
皇尼古來二世加冕禮與俄首相維德締結喀西尼條約抵制他國侵略爲一種攻守
同盟之密約其第四條載有爲俄國運兵便捷計須在中國領土內建築鐵路自黑龍
江或吉林邊界通至海參歲中國應協贊之云當締約時維德主張該鐵道歸政府

官辦李鴻章反對之結果爲商辦然名義爲商辦實際仍爲官辦故隸屬於俄國財政部其經費除我國五百萬兩外均由道勝銀行支出光緒二十四年動工至光緒二十七年竣工自綏芬河至滿洲里爲東西線自旅順至哈爾濱爲南北線復有由大石橋至營口之支線翌年全線通車開始營業其工程之迅速殊可爲驚異者也

中東鐵路之職制條約載明我國派督辦一人股東大會選舉董事九人董事中互選俄會辦一人我國督辦最初派駐俄公使許景澄兼充後乃未派故實權都歸俄人掌握不知我國何以放棄如是實爲不可思議者也中東鐵路附屬地條約內載明爲中國之領土俄國亦承認中國之主權乃由事實上觀之中東鐵路附屬地之行政司法權全操諸俄人之局長其局長權限之大統屬全埠文武職官及管理中東路全線事宜迨民國六年三月俄國第一次革命消息傳至哈爾濱市內各團體開市民大會選

舉臨時執行委員採取革命政府之委員制駐哈俄兵組織兵卒委員會黜退民政部長警察署長鐵路守備隊長憲兵隊長及鐵路重要職員並對於鐵路局長霍爾瓦特聲明鐵路經營權雖仍屬霍氏而一切行政權皆歸該會當時霍氏亦無可如何祇有服從而已迨經九月革命後鐵路附屬地團體不一黨派紛繁而勢力亦大小不同茲分列各團體名稱於下

哈爾濱執行委員會

鐵路從事員委員會

兵卒委員會併爲勞兵會
勞動者委員會

哈爾濱革命委員會

軍事革命委員會

祖國及憲法會議擁護極東委員會

同年十二月中勞兵會代表劉欽接列寧政府電報免霍爾瓦特鐵路局長之職於是各團體（除鐵路從事員外）開臨時革命委員會議決免霍爾瓦特政府執政官及中東鐵路局長之職即迫霍爾瓦特交代退職霍氏拒絕之乃派代表至從事員會宣讀議決案並言若鐵道從事員不遵本議決案辦理勢必訴之武力云鐵路從事員提出抗議拒絕之兩方相持不下而霍氏得有一線之生機何則因過激派之反感而霍氏與從事員之間成爲一種心理之結合維持暫時之現狀我國見霍氏處此危迫之境乃據條約所載保護之項派何宗蓮張宗昌赴哈維持秩序分段駐兵任守備鐵路之責吉林第三混成旅旅長陶祥貴爲中東鐵路一帶警備總司令聲明我國派兵爲防止侵害中國條約并保護居住中國領土之外人及國民維持中東路沿線之秩序劉

欽旋即退出哈爾濱於是哈爾濱附屬地及中東路沿線之秩序得以維持矣

民國七年一月我政府任命吉林省長郭宗熙兼任中東鐵路督辦（該督辦之缺虛懸十六年矣）郭氏到任之始即主張解散鐵道從事員之政治團體於是內部之黨派臭味漸次淡薄四月間在北京道勝銀行開股東大會郭督辦請以霍爾瓦特爲會辦兼局長至是霍氏之位置得以保全然霍氏本爲舊黨帝國覆亡已失根據惟有依賴我國而得保全故其勢力已大不如前矣迨民國九年政府任命鮑貴卿爲東省鐵路護路軍總司令兼督辦提議收回中東鐵路利權案與霍氏開議鮑督辦建議請霍氏交還行政權警察權變更公司之組織增加中國人要職霍氏始雖反對終爲理屈結果議決如下

一 總公司設於哈爾濱督辦之下設董事俄國五名中國四名（顏世清 王景

春 董士恩 何守仁)

二 鐵路沿綫設立中國警察協助俄國警察

三 鐵路運費改收大洋銀元

霍氏因大勢所趨亦無可如何而承認之乃哈爾濱革命分子憤霍氏之把持藉此口實以攻擊之利用各團體開聯合大會嗾使鐵路全線實行同盟罷工於是哈爾濱全埠忽呈赤化之觀乃鮑督辦勸霍氏將一切政權交還中國潔身引退以解此風潮於是鮑督辦實行解除俄國守備隊及警察之武裝爲我國收回沿綫兵權及警察權之始時民國九年三月十六日也中東路全綫分爲哈長哈滿哈綏二段各段設護路軍司令部其上設總司令部更設臨時警察總局

當是時蘇俄政府外交委員加拉罕致函我國政府其主旨略云蘇俄政府爲拯救東

亞人民脫免外資之壓制他國之奴隸故凡舊俄帝國與日本及貴國及協約國所訂之密約悉行取銷即一九〇一年庚子條約一九〇六年一九〇七年與日本所訂之協約舊俄帝國時代獲得於貴國之利權及獲得於貴國而轉讓於他國之利權悉行返還貴國此外庚子賠款中東鐵路礦產森林等各種權利俄帝國政府及克林斯基政府霍爾瓦特謝米諾夫及俄軍人資本家所取得之特權亦一併返還中國不受何等之報酬敝政府關於此等業已再三誓言放棄乃貴國反以之供俄帝國駐華公使及各領事之費用此等公使領事所任命之政府業已滅亡不過借他國之援助欺蒙貴國希望貴國民將此等詐欺之徒放逐國外又俄帝國從前取得之各種特權如治外法權等亦皆放棄之敝政府先將此意表示以期恢復正式之邦交希望貴國亦派代表為荷云云觀此可知俄國自願放棄中東鐵路及其他一切特權也

同年六月我政府派顧問辛博森(英人)波資加孫(美人)哈篤(法人)三人赴中東路附屬地調查乃彼等詳查後提出建議如下

- 一 東路沿綫及松花江一帶爲維持秩序應改組警察及編練清鄉隊
- 二 廢止中日軍事協約
- 三 停止俄公使之禮遇
- 四 收回中東路沿綫司法權
- 五 收回鐵路附屬地之市政權
- 六 對於中東路取消附帶之特權改爲普通營業公司
- 七 斥退霍爾瓦特
- 八 收回郵電機關

同年八月遠東政府代表優林氏到北京卽本加拉罕函中之意與我政府交涉暗中頗有活動之勢故我政府以大總統令停止駐華俄公使及領事等之公式待遇於是
我國對俄爲無條約之國也

所可注意者表面上中俄兩國所託以建築經營中東鐵路之道勝銀行接得停止俄使待遇之報恐管理權移轉於中東鐵路而銀行財產被其沒收因該銀行資本法國最多故該銀行懸掛法國國旗於是中國與之交涉結果我國交通部代表政府北京道勝銀行（俄亞銀行）代表暫駐巴黎之道勝總銀行於十二月二日在北京續訂中東鐵路管理合同六條其內容謂中國前投資本庫平銀五百萬兩自鐵路開通日起應支利息七百萬兩共計本利一千二百萬兩以後年利五分每半年一結至中國買收該鐵道時償還之或由買收費中扣除現以該鐵路之財產作抵董事會九人中國

應得四人董事會法定人數至少七人稽查局（監察局）設稽察員（監察）五人中國應得一人局長限定中國人鐵路管理上中俄兩國人公平支配同等待遇今後凡一切權利及職務嚴重限定在商業範圍之內關於政治上一切事務均禁止之凡從前所訂條約及公司規則與本契約不牴觸者均屬有效等項同時公布修正中東鐵路督辦公所暫行編制專章不外擴張督辦之權限據續訂合同我政府有指揮監督之權於是交通部設中東鐵路委員會以處理之

當是時政府任命宋小濂爲督辦（現爲王景春）在北京開中東鐵路股東大會委任沃斯特魯烏莫夫爲局長而霍爾瓦特爲該路最高顧問不過一虛名耳霍氏之勢力從此消滅殆盡矣

民國九年九月我政府派司法次長張一鵬調查吉黑兩省司法情形即於十月底發

布東省特別區域法院編制條令設立高等審判廳地方審判廳於是中東路附屬地之司法權完全收回矣

民國十年一月撤銷中東路沿線俄國郵電各局收歸我國辦理於是中東路之郵電權實行收回矣

民國十年二月我政府任命董士恩爲東省特區市政管理局長馬忠駿爲副局長將屬於中東路之民政部附屬地市政事項均收歸市政管理局辦理之更設警察管理處將屬於中東路民政部之附屬地警察事務均收歸該管理處辦理至是中東路一切權利完全收回前此聯合國曾提出共同管理案經我國政府抗議後改爲共同監理故當時中東路在聯合國監理之下爲我管理者也迨聯合國西伯利亞撤兵後其監理機關之技術部同時撤廢惟該鐵路直接間接之債權保留之管理之責

完全歸諸我國矣最近中俄間宣傳將開中俄會議締結通商條約我國提出先決問題最重要者一撤退外蒙赤軍二中東路所有權與管理權交還中國根據一九二〇年加拉罕之公函除第一問題另行解決外惟第二問題自去年（民國十一年）以來主張不一查如前述中東路於民國九年中國政府與道勝銀行（俄亞銀行）所定之續訂合同載明至俄國正式政府成立為止歸中國政府臨時管理此次蘇俄代表對於中國政府固自命有正式政府之資格所以主張中東路之所有權與管理權在會議時任中國自由協定惟本問題未解決前中俄二國共同設一管理部又道勝銀行（俄亞銀行）主張本銀行為該路最大之股東況鐵路及銀行之資本大部分出自法國無論如何該路之所有權與管理權否認屬於蘇俄政府當屬諸俄亞銀行為股東之中東鐵路公司然則中俄通商條約不能會議者中東鐵路之未解決亦一原因也

余滯留哈埠不過三日諮詢所得雖不能盡得中東路之真相然經過情形均爲事實之昭著者爰爲拉雜記出以供外交家之參攷也

由哈爾濱至滿洲里

余於八月一日由哈爾濱起程到站送行者中東路愈會辦翹梧袁董事潔珊等十餘人沃局長云由哈至滿洲里爲余等添撥一車余謝其厚意四時二十分開車由車窗遠眺綠草如茵一望無際間有農民刈草荷笠斜陽中表出幾許天然畫意猶憶余幼年陳蘇魯克未招墾時曾在夕陽柳陰邊觀農夫刈草以喂牛羊此情此景不覺已三十餘年矣光陰迅速逝水之歎有如斯夫余等所乘之車爲加掛之專車窄小量輕顛簸過甚宛如在大海中遇風浪之船囉關賓如君與車隊長交涉換車彼打電話至哈站請示車務處長得允始爲余等四人換車爲頭等二間均有寢臺此車尙安穩夜間

亦得安眠矣余觀由哈爾濱以西在黑龍江與嫩江流域平原大陸沃野千里均未開墾棄如石田氣候尚非極寒不過與日本之北海道相似其所以荒廢之原因大約鬪匪尚未肅清農民不能安居以致無人領墾殊可惜也間有森林亦未開採自渡嫩江至興安嶺雖山地居多然濃林蔽天鬱鬱葱葱更屬無人問津我國擁此天然之富源而不知利用無怪外人之垂涎而覬覦之也翌日（八月二日）早六時抵興安嶺站天氣漸寒遠望窗外雜樹扶疏野花爛縵雖人煙寥落而生機尚暢車過興安嶺在隧道中行三十餘分鐘出隧道後復盤旋下嶺此處鐵路工程之難可與京綏路之八達嶺相似午間至海拉爾站有第十七旅參謀長齊華民君副官長陳子衡君來謁並述旅長赴省會議不能躬迎爲歉云車開後有同車之赤塔交通次長巴爾斯基求見略敍寒暄並云至赤塔後爲余等專掛一車厚意殷拳頗爲可感三時五十分抵滿洲里站

有護路軍司令部萬壽山司令福麟之副官長翟君來站迎接並云因司令赴省會議未歸特來代表司令招待余謝其厚意旋至兆熙督辦景春養病在此遺秘書張君持片請余往其寓余卽允之往見王身穿棉衣容貌枯槁病狀可掬略談三十分鐘而別詢知本日無赴赤塔之通車卽下榻於三道街之俄國尼給金旅館余於起程之前足趾微受踢傷在哈爾濱請醫診視一次尙未痊愈路上稍經勞瘁故夜間痛甚未得安眠翌日請俄醫生診視一次有俄國駐呼倫貝爾委員波化林斯克來謁據云赤塔來電詢余是否用包車余答俟斟酌定後再行奉告旋辭去傍晚游覽市街見我國商店尙有百餘家詢諸商人據云歐戰以前此地商務非常發達皆與蒙人貿易以綢緞布疋易其牛羊皮革以物易物尙有上古之風而其利益之豐有倍蓰於內地者故經營二三年莫不積資鉅萬爲富翁矣繁華之盛稍亞於哈埠自歐戰發生以來漸就衰頹

迨俄國革命斷絕通商加之俄幣暴跌一落千丈雖蘇俄政府對於糧食一項尙准進口然榷稅之重幾至倍值故商店之破產閉歇者不可繕指市中淒涼之況宛如孤島往來行人寥若晨星鄉間農民亦因盜匪騷擾轉徙一空市外工廠以原料不繼均已停工如此荒涼寂寞大有今昔之感也回寓囉關賓如君赴站與蘇俄站長交涉乘車事定妥頭等包房一間二等包房兩間遂決定明日出發

由滿洲里至赤塔

八月四日午後六時赴站俄委員波化林斯克及王督辦代表均到站送行一一與之握手別七時開車行十餘分鐘抵八十六里小站此處爲中俄交界雖屬國境無界碑等之標識惟兩國各有兵士三十餘人站立道旁而已聞從前有木柵界之爲紅軍戰勝白軍衝入我國境內破壞之復行兩點餘鐘見有破屋櫛比鱗次闖無居人有俄人告

余云此處係白軍首領謝米諾夫之大本營與新俄戰敗後自行焚棄之此卽其遺跡也余想謝米諾夫率領大軍數萬屯駐中俄交界處聲威之盛振動全俄惜其不察時勢不顧民意徒欲以武力制勝統一全俄未幾爲新俄所敗隻身僅免逃入我國狼狽之狀不可言喻英雄末路一至於斯今也余過其地尙見燼餘甲帳墨烟斂魂蔓草榮骨寂寂荒原鬼燐出沒不禁唏吁而憑弔之嗚呼潮流所趨民意難違前車未遠可不以爲龜鑑乎撫事感時因賦一首云將軍萬夫雄籌邊騁壯志聚米畫山川六韜蘊才智據鞍顧盼豪荼火軍容熾戍卒墟咸陽改步國體易江頭王孫袁域內周鼎墜虞淵日西沈揮戈矢忠義赤軍壓陣來靈鬪聚七萃兩甄息鼓聲入壁拔趙職士卒化蟲沙灘上眞兒戲伐暴救溺焚除苛順民意譬運大輶車敢攘螳螂臂暮叔竟違天逃亡卒顛蹣慷慨垓下歌徒咽英雄淚驚沙戈戟理戰血蓬蒿漬廢壘尋燒痕哀音訴霜吹恍

過古戰場天陰泣魑魅太息鬱觸爭中外殊無異姑且食蛤蜊母預家國事翌日黎明起身氣候甚涼約近赤塔六十餘里漸見崇山連綿茂林蔽日山麓河畔農民聚居房屋均爲木造耕地多圍木柵以防牛羊之蹂躪也所種不過馬鈴薯蕷麥菜蔬之類五日上午十時抵赤塔站有赤塔農會長代表莫斯科農業博覽會到站歡迎并有華僑十餘人來迎余一一謝其盛意即往旅館休息旋往訪交通次長巴氏頗蒙歡迎復由巴氏介紹見車務處長尼果斯基承渠等爲余預備火車包房等情余謝其盛意即請渠詢委員長在署中否（渠等辦公處同在一署）因尙未到故不得一晤辭出往第五師司令部訪總司令烏巴列維次因公赴黑河未晤回寓午餐後有我國駐赤王領事鴻年來謁談及領事館經費業已經年無着困難達於極點言下唏噓欲絕夫駐外領事爲國家之代表而有保護僑民之任因國體有關交際亦爲緊要外交第一手段端

在聯絡感情故經費務必充足不得因陋就簡致招外人之輕視乃我國政變相循政費流用於軍餉以致駐外領事枵腹從公衣食之謀自顧不遑何有於交際哉故在赤僑氏迎余於車站時備述所受虐待情形不惟捐稅加重甚且誣爲漏稅沒收貨物置之囹圄者不知凡幾最近有華僑會長被誣入獄未幾瘐斃領事之不能保護概可見矣所以僑商之在赤塔者除小本經營外大商舖僅存一家因有俄要人之股份尙得苟延殘喘而已蓋自中俄絕交以來俄新政府對於進口貨物一概拒絕爲防饑饉計特於絕交章程中立有一條凡進口貨物如在絕交以前購定者仍准輸入故食糧等需要之品皆援此條依然輸入以外之貨或拒絕或重稅任意操縱上下其手我僑商被其蹂躪殆盡以視我國對俄舊黨爲之籌賑以給其衣食者不可同日而語其所揭露之社會主義安在哉

赤塔爲遠東政府所在地原爲獨立之邦現與蘇俄政府聯合俾列寧得收統一之效俄雖人種不一尙能同心協力組織聯邦政府從事建設事業殊令人欽佩不置也午後二時赴車站送行者王領事及交通次長巴氏車務處長尼氏同攝一照以作紀念遂握手登車三時開車

由赤塔至莫斯科（西伯利亞道中）

車行中見路旁松林甚茂惟土壤多沙氣候早晚頗涼而午間甚熱完全沙漠氣候也翌日（八月六日）午前九時抵上烏金斯克站此處爲蘇維埃俄國東境第一城其實遠東共和國與蘇維埃之交界處尚在其東之小站車停二時餘余等下車游覽城市房屋均木造亦有施以彫刻者商業甚蕭條行人稀少華僑商舖祇有小本經營數十家不過販賣蔬菜食物而已道中沙土飛揚車輪過處目迷不見教堂衙署郵局學校

均懸紅旗自車站至市道旁有白色坊三座有紅布之額上書俄文表示紀念之意爲前俄皇駐驛時所築之紀念坊後經紅黨戰勝佔領加以紅布之額即作紅軍功績之紀念滄海桑田可勝慨歎自赤塔至此每站見有貧民呼號而乞食者甚多尙以爲遠東共和國本非共產主義無足爲怪乃入蘇維埃國境後乞丐依然不少余深訝旣爲共產主義衣食均仰給於公家何以復有乞丐殊不可解且聞新經濟政策未行以前有一家夫婦一人其夫爲陸軍上校年已七十退職家居夫婦各以票領麵包惟夫之麵包由軍隊直接領取分量較多尙有贋餘藏之箱中局以固鑑而婦則所領不過四兩且有時爲發給官吏剋扣若干致難果腹迨餓至莫可忍時始向其夫借麵包四兩約定明後日返還其夫乃將贋餘之麵包貸與之至明日其妻又饑復向其夫借二兩其夫因前貸未還拒絕之又有一家夫婦及女三人其女爲父母分麵包置天秤中惟

女之方稍昂其父大怒手握玻盃拍桌盃碎手傷血淋滿手云嗚呼共產罪惡一至於斯吾國井田之制不廢綱常之義所以無流弊也

由此西行見貝加爾湖湖面汪洋莫窺涯涘聞其深處測量家至今未知其底止車繞湖之南濱而行湖水清澄波平若鏡沿湖羣峯環繞蒼松翠柏與湖水相映宛如身在蔚藍天中更覺清幽可愛經過大小山洞四十餘車行出入其中忽明忽暗奇景無窮行十餘點鐘之久尙未過湖其廣可知矣作長歌紀之云銀漢抉破海水東萬流奔注匯湖瀆沉澑雲氣涵太虛昏曉陰陽沒陵谷疏鑿未聞倩神禹六轅巨首戴坤軸羣峯倒影玻璃天浴翠榮青看不足濤風瀨瀨舞鸞鳳坂道鱗鱗走車轂千盤百轉出雲外虹霓收斂霽紅旭燧道深入洞窟穿絕地通天鬼夜哭纏忽上昇霄漢中蟠伏頭恐不周觸風輪似逐千里程迴眸審視仍湖麓松檜森森皆十圍插天映水簷雄蟲安得象

罔採驪珠萬頃湖波一鉢縮洞庭鄱陽等附庸名著遠東衆矚目平生雅有濠濮興親
近白鷗慕黃鸝邊事方殷脫屣難僕僕道途嘆轉燭願繼坡老江神盟聊借無田解慙
惡行當晞髮釣烟波徒倚湖樓飲湖漾車抵一小站有關吏檢查護照行李據述每人
所帶現金不得超過一百五十盧布云

自過貝加爾湖後氣候溫和與吾奉無甚參差地多平原農民耕種馬鈴薯小麥蕎麥
向日葵之類遠望森林鬱鬱青葱針葉闊葉相間不分殆似天然原生之林其蓄積木
材豐富可知矣車抵依爾庫斯克站遇蘇俄代表加拉罕（係莫斯科政府派赴我國
會議恢復國交之特使）上車來訪與之周旋彼此均望中俄早日攜手敦睦邦交略
談片時而別余擬將加氏抵哈日期（八月十二二日）電告張總司令奈電局以無彼
國交通部執照不予拍發遂止余見加氏體貌魁偉面色潔白鬚髮微黑丰彩英爽溢

於眉宇嫋嫋英語衣服樸素談話時聲浪不高望而知爲沈靜深思之外交家也

八月九日午間車抵鄂木斯克站爲西伯利亞之大城又爲前闊爾查克政府之京都雖屢經兵燹而破壞尙少居民稠密建築宏麗亦可爲西伯利亞之名都也再西爲魯濱斯科站其地產寶石可作婦女飾品價值頗廉故旅人過此無不購之吾國即稱之爲魯濱石哈爾濱市中俄人販賣者亦不少然價已貴矣聞有某國商人乘俄國饑饉之際挾資來此以賑濟爲名其實以廉價收買寶石爲其收去不少俄人至今銜之云翌日早抵秋面站爲亞洲最後一大車站也由斯赴莫斯科有南北二路余車行北路未幾過烏拉嶺山不甚高蜿蜒甚長廻環屈曲如入羊腸所過小站多有舊車棄置道旁聞爲戰爭時所破壞者也午間抵葉喀切林堡站爲入歐第一大站此處爲前俄皇尼古來二世絕命之所江山無恙人事已非回憶當日之雄風蓋世果安在哉余過其

地不禁感慨係之爰賦一律聊寄憑弔之思詩云煜煜長星犯紫微磨牙猰貐翁沸餓畿
貧民累代尊黃屋流彘一朝易赭衣燕啄皇孫傷祚盡鵠曉皇帝化魂歸寒鶴似訴興
亡恨繞遍垂楊噪夕暉

有賣彫石文具琢工雖不甚精因其石產自烏拉山余購數種以作紀念而已

車中時有竊賊聞上星期有我國要人（姓名未詳）在此處被竊頗鉅報警檢查出即將該竊犯解送遠東政府下獄監禁矣又有越等乘車者有一少婦持三等票而乘特等車自赤塔至莫斯科於將至莫斯科時爲檢查員查出送往法庭處罰七十五盧布即此可見俄國人民之程度矣

八月十二日午間抵莫斯科京城下車有外交部委員某來站迎接同車至舊馬棚街三十五號官營旅館該旅館房屋華麗陳設精雅余等下榻於其樓上旋知旅館房屋

本爲一富翁之住宅政變後沒收爲官有主人已死有一子逃往外國尙有一女主人住在三層樓上可謂鵠巢鳩居富而可恃乎哉是晚有我國駐莫總領事館館員勾某來謁面稱係沈總領事派來接余因接電甚遲又因星期日均回鄉間（因莫京生活程度過高加之館費不繼故寓居鄉間可以節省也）以致不及到站遠迎甚抱歉忱云云余謝之而去余等自哈爾濱至莫斯科共經十一日其中在滿洲里停留二日在赤塔停留半日其餘大站停留四五小時不等其實行程不過七八日耳足跡涉歐亞兩洲身越興安烏拉大嶺如此迅捷何莫非交通便利之賜也從可知俄人經營西伯利亞鐵路其規模之宏遠氣魄之雄壯實足驚人吾國始皇之築長城對之未免有愧色矣

莫斯科之聞見

十二日發家信及各友人書早餐後有沈總領事崇勳來謁與之略敘寒暄知其在法國多年能操法語人尤幹練亦爲外交界之傑出人才談及莫斯科情形甚悉僑民約有千人善良而有職業能自食其力者固不乏人游手無業專事魚肉他僑民者亦不少有華工會與領事館權限不甚分明以致辦事上時有衝突云旋辭去余同關王兩隨員至農業博覽會拜訪該會總理布拉根見其人器宇軒昂言語爽快與之寒暄畢彼命他員導余等至該會外國部主任處與該主任接洽一切詢明開會期仍定十五日并云於期前將儀式單送至余寓旋辭出赴我國總領事館答訪沈總領事乃在一旅館中旋由沈君述及因經費支绌不能租賃館屋亦出於不得已者也夫駐外領事如此因陋就簡未免有失國體可爲浩歎略談片時辭出赴俄外交部拜訪先見遠東局長杜霍夫斯基其人面色微黃兩目灼灼寡言靜默殆爲深於思慮者也余即請見

總長齊切林氏彼乃命部員沙羅夫堯夫導至客室適齊氏與波斯公使會談即在客室稍待詢知彼曾在中國多年任俄使館秘書熟悉我國情形能操英語狀極和藹旋引余等入齊氏辦公室室中非常樸素見齊氏年逾五十鬚髮盡白舉止謹飭態度穩靜能通各國文字留英有年操英語尤為流暢殷勤慰問余等路上跋涉之勞并謝張總司令屢派代表敦促兩國親密之厚意余即謝其招待之優并代張總司令謝其招待前派之呂史二君迨述及此次來俄之宗旨余云一則貴國以農立國與敝國同此次舉行大會必有資敝國借鏡之益一則貴國為新造之邦開國政治宏遠規模實地視察必可得參攷之資齊氏極表歡迎并云中俄會議已派外交次長加拉罕赴貴國希望兩國均得滿意之結果余云國家政體無論為民主為蘇維埃均以謀人民之利益為前提與從前帝制時代專抱侵略主義者當然不同苟中俄兩國本此宗旨不難

恢復邦交日進親善齊氏云蘇俄政府專爲發揚國民法律上經濟上自由之精神與貴代表意見正自相同云云彼此各表誠懇之意余請其介紹謁見列寧彼云列寧抱病已久正在鄉間休養貴代表到此禮應迎見奈病體不能見客殊深歉仄余乃興辭而出回寓有華工總會前會長單培峯君在寓久待余即見之聞莫斯科華工在歐戰中被招而來總數約有五萬餘人中國使領不能實力保護華僑乃謀自衛之策有留學生數人主持其事創立華僑總會於俄京分設支會於各埠一方與中國使領交涉一方與俄國政府交涉當時華工被迫赴戰死者甚多嗣後復經兩次革命華人財產同被沒收政府厲行不工無食之政策回國之道路不通不得不爲之負弩前驅矣且華人堅苦耐勞迥勝俄人故衝鋒陷陣屢立戰功迨革命告成內亂已定烏盡弓藏遂被遣散自謀生計每日工作所得不能充饑於是秘密貿易罹於法網而被逮者不可

勝數方革命時中國之使領撤銷華僑總會易名華工總會得蘇俄政府之允許爲華
僑外交之正式機關其權埶於使領遣送華工回國者不下二萬餘人死傷於戰場者
亦稱是故今日留於俄者不過萬人耳華工總會初以辦理遣送回國事無中國政府
爲後援極感不便乃遣代表赴北京請願設立總領事館於是中國政府派陳廣平爲
總領事劉守清副之劉本爲請願代表之一與華工總會會長張永奎聯合一氣後因
領館與工會權限衝突陳嫉視劉交攻互擊幾釀不測當時單君爲工會副會長嚴守
中立調停其間始得無事至民國十年七月劉氏免職回國張亦改選單君當選會長
去年陳氏瓜代沈氏到任於是交鬨始息惟領館工會之權限問題仍未解決本年改
選張永奎（奉天人）復當選爲會長郝連卿（吉林人）副之按張君自幼入俄未受祖
國教育固不待言卽祖國語言亦不完全殆不過一俄化國民而已故該會前隸俄外

交部已屬權宜今竟歸俄殖民部管轄該會長不與之爭直甘與歸化之蒙古爲伍辱國喪權莫此爲甚華僑商店自新經濟政策實行後漸有起而經營者今有百餘家矣每家納華工會月捐三四金盧布不等故該會每月有收入三四百金盧布余極力慤應該會創辦學校俾華僑子弟得受祖國教育引起愛國觀念不至淪爲歸化之外奴至爲當今之急務也

翌日（十四日）午後五時赴沈總領事之宴散後回寓始知外交總長齊氏來寓答訪相左未晤旋有李副領事毓華來訪詢知李君曾留學聖彼得堡在歐已將十年對於俄國國情頗能洞見藏結亦留心俄事之外交人才也

天氣秋涼余所攜衣服夏衣居多擬製秋衣二襲往某洋服鋪選定材料亦不過普通之呢類詢其價值共需八百金盧布合我國銀幣九百餘元如此材料我國大約不過

百餘元耳幾貴至七八倍頗爲駭異余即婉辭謝絕之莫斯科物價之昂就此一端可推而知矣

一日間步入某飯館小飲見其中有種種娛樂方法有以花牌如吾國推牌九之類有以一輪旋轉而小球射出觀其號碼以定輸贏如吾國花會之類見俄人擁擠雜沓趨之若驚亦可見俄人之嗜賭也聞此種賭場莫京共有三處政府抽頭每日能得萬金其輸贏之鉅可以概見吾國前清廣東之賭捐可謂無獨有偶更有歌舞場男女藝員分班歌舞歌喉清嫋舞態蹁躚頗堪寓目食堂內時有私倡往來可隨意招之侑酒聞蘇俄政府自禁止公倡後而私倡增加反多於公倡其現象殆與吾國上海英租界禁倡成績相類亦必然之勢也

同寓有德國新聞記者某忽投刺請謁談次知其來莫斯科已十餘日其游歷之目的

係擬組織一通訊社蓋俄國報紙率爲政府之機關報凡所揭載皆利於政府之事以言代表輿論則大謬不然也故欲組織通訊社以期得俄國之確實消息該記者并謂蘇俄政府近亦頗注意於建設故庶政已漸入於軌道而國家基礎亦遂稍見鞏固又詢余以中國國民近來觀夫法之於德加以種種壓迫行爲當作如何感想望掬誠相告誓守秘密不披露於新聞云云余答以吾國人對於此事以爲德法世仇互謀報復故兩國間於近世紀頻起戰爭欲消弭此患須雙方各泯其怨毒庶可以長保和平否則仇讐相報恐無已時也該記者聆之深以爲然余亦詢以德國之共產黨共有若干其共產主義在世界前途之發展究竟有無希望渠謂本人並非共產黨敢爲公平之判斷此種主義在教育普及之國其國民均有知識決不至於育從德國之民不受教育者甚少自不能爲其所鼓惑雖有共產黨亦居極少數並謂欲圖國家之強盛必須

組織強有力之政府若政府無權則人人皆得便其私圖妨害公益國必不國余昧其言頗有至理吾國頻年政府之孱弱已極號令不行威信掃地又安得如該記者之言組織強有力之政府以整飭之耶余最後復詢以德國科學甚發達製造品極精良歐戰後科學日益昌明製造之品當更精進不已渠謂德國原料缺乏深為可慮恐亦不能獲過大之進益云

參觀紅軍陸海軍陳列所

余於八月二十三日同引導員赴紅軍陸海軍陳列所參觀入門時由該所派專人為之說明第一部陳列者為各種槍炮子彈電話無線電探照燈等物以及行軍間諜如何逃避敵人耳目如何防護敵人之損壞橋梁戰壕之如何掘法障礙物之如何設置破壞第二部陳列者為工兵之器具步兵砲兵等軍服差異之處以及一千九百十八

年至二十三年之間各種軍服之材料軍中醫治傷兵之各種設備均繚然雜陳第二部則爲軍事之各種教育暨每年軍事學校畢業之人數第四部則陳列軍事裁判之成績其中爲每年所裁判人數之比較及紅軍官兵與反對黨平民資本家受裁判人數之比較就中以資本家佔多數其餘爲紅軍被人殺戮及反對黨被槍決之照片而鼓惑我庫倫獨立後被紅軍殺戮之恩琴被獲時所服之蒙古式黃綬團花馬蹄袖夾袍亦陳列其中凡此部所陳列而以爲成績者僉爲俄人自相殘殺之表示余雖外人且不忍覩俄人反陳設於大庭廣衆以相誇耀其殘忍性殆可想見而俄人遭屠戮者之多亦從可知矣最後一部則陳列託洛斯克往來各處之次數表及每次出發列車之數目表並獲得各反對黨之旗幟全場中光怪陸離目爲之眩誠大觀也總之蘇俄深以舊日軍隊不識字爲憾故於紅軍力謀增長其知識使爲國家服務以故蘇俄

紅軍軍容雖不甚整齊而軍紀則頗嚴肅焉

參觀紅普列斯尼闢工廠

余於八月二十七日偕農商部技師吉爾賓闢赴紅普列斯尼工廠參觀廠長齊斯洽闢夫頗為歡迎並贈予花紋手巾一條其上織有蘇俄國徽及列寧之像詢悉全廠男女工人七千餘名每月工資每人平均俄幣五千餘元約合我國現洋十餘元所佔地基面積約俄國三十畝之廣內設輕便路運輸一切材料原為私人所經營者今則收為國有矣時正值一部分工人下班尚有一部分從事工作遂先至紡紗部參觀該部共三萬五千鎊所用之棉花均由美利堅土耳其斯坦及高加索等處採辦機器多由英國購來發動機全用電力電機力為四千四百瓩羅燃料則用木煤及煤油三種每日用棉三百布特（一布特約合我國三十斤）次至織廠見所織之花布不下百餘種

每日可出四萬尺質頗堅實銷路亦暢凡提花機印花機漂白機染色機乾燥機平布機無不完備電機廠電鍋十四架均購之瑞士國廠中設有販賣部食料及日用品均備其價格較市中稍廉工人每日工作為八小時十八歲以下十六歲以上則為六小時十六歲以下十四歲以上則為四小時並附設醫院工人有病時入院診治概行免費又立有小學校專為教育工人子弟者餘如消防隊圖書館閱報室工人娛樂部等均無不備其製造麥酒之廠因天晚未得參觀據該技師云全俄各製造廠凡在工人二十名以上者均為國家所經營間有由國家租與私人者其管轄權有歸各聯邦者有歸中央政府者農商部設有工藝股管理工廠一切事宜行政事務皆取決於董事會技術方面則由技師會處理焉

參觀農業博覽會

農業博覽會本定十五日舉行開會禮余抵莫斯科後聞知因佈置未竣延期至十九日矣余擬先期往該會觀其佈置於是俄外部派巴朗挪夫斯基為余等引導按巴君在華多年稍通華語曾任上海大陸報編輯英語嫻熟人極知嚮余先告以參觀應注意之點如政治經濟教育實業等類遂同巴君往博覽會辦公處見該會外國部副主任某君略談數語贈余等博覽會紀念章各一枚見伊額汗淋漓言語忽促有忙不可勝之狀即囑女職員雷野夫斯基引導余等入會場見正在佈置工人約有萬餘日夜工作趕速竣工新政府之作事頗有精神可為欽佩按該會內容分十七部一教育部二農事經驗部三村莊部四社會家庭部五工藝部六公商部七殖民部八水田部九農業部十動物部十一畜部十二森林部十三植物部十四製造部十五普通部十六農業工程部十七外國部巴君及雷女士引余等至村莊部村分新舊二式以資

比較舊式之在北省者房屋均木造惟屋頂低而窗戶小以防寒氣之侵入地下有窖儲藏食物可免凍壞屋旁附有小棚豢養牲畜於其中與吾國北滿農家大致相同有置牛羊圈棚於寢室之下以借暖氣者在南省之房屋構造與北省同惟材料較小而窗戶高大耳內部建設亦無大異總之舊式農村不過滿人類及牲畜棲息之慾無教養娛樂衛生等之設備略如吾國黃河流域之農家現狀其中有古抱省房屋亦爲木造而牆壁用石灰髹塗窗戶嵌以玻璃可見該省人民程度已有進化矣其所謂新式者憑理想而計畫之新農村每村建築房屋分三大部中央爲農民起居飲食之處右爲工作勞動之場左爲教育娛樂之室無論起居飲食工作勞動教育娛樂均有一定規則取共同之制觀其教育娛樂設備完全似甚注意之處如學校圖書館閱報室浴室球房及種種遊戲之品蓋一則爲鄉人增長知識以加高其技能一則爲鄉人謀娛

樂以減少其勞苦並有小兒共同之室聚各家之小兒於一室破除個人家族制度一村宛如一家者也俄國農家房屋均用木造雖因其森林之富然實則尙不知燒磚之法故會場中有教授燒磚之法其次至家畜部有牛馬羊豕數百頭標明種類及出產地并附設跑馬場試驗馬之良否至森林部見木材標本種類甚多復有伐木造材集材運材趕河流等之作業狀態均以照片表示之觀其流等方法笨拙已極非深水大河不能行駛法以丸材縱橫疊積四五層十節八節聯綴爲一等其前端用一木架形如船式曳之而行欲變更方向時用人力伸縮兩側之繩如欲左轉則緊張其左而弛緩其右非有多人不能伸縮我國鴨綠江之流等已覺笨重不及日本式之靈便乃俄國反不如我也至農業工程部觀其試驗人造下雨器無論微雨大雨隨意爲之與天然無異以之溉田旱魃不足爲虞可謂巧奪天工矣至植物部種類繁多莫可譚述其最


饒趣味者爲名畫家裴其諾夫氏出品以生花植於泥板嵌成列寧之肖像借花色之深淺分別光綫之陰陽高約三丈寬約二丈遠視之宛然一幅列寧之照相近視之則皆花葉花朵連綴而成者洵奇觀也更有花園一處題曰歐亞地形圖積石爲山鑿池爲海河流山脈歷歷具備亦煞費匠心者也至工藝部見竹木藤石金屬皮革膠皮棉絲麻毛之製品以及日用器具雖不甚精敏然頗堅固而以西伯利亞及北海之皮革烏拉山阿爾泰山之五色石類爲最佳至遠東部見陳制品中雜以中東路之出品余等殊爲詫異卽聲明拒絕參觀與之交涉俄人自認錯誤允卽移之外國部以後繼續參觀外國部出品之國共有二十國我國及德英美法比奧日本義大利波斯瑞典埃及敦和蘭、拉特萬、巴列司吉、捷克、丹麥、芬蘭、里特瓦、波蘭是也其出品以機器及摩托車幾佔全部二分之一出品之多德爲最法次之日本又次之我國除中東路及蒙古

出品外商家出品寥寥也以外各部流覽一周珍物奇品亦不見多想俄國經破壞之餘方在經營建設故該博覽會不過藉以督促農業之進步并非表示美滿之結果故因陋就簡之處時有流露因攷該會設立之用意約有數點如下

- (一) 俄國內亂已平當局者注意建設且政變以來與各國斷絕國交借此開會之機請求各國出品派員以期疏通舊好漸達承認之目的
- (二) 經過兵燹之後物價昂貴市面因以不振藉開斯會俾各國代表商人及本國商民聚集於斯以達振興市面之目的
- (三) 俄民缺乏知識當局亦所深知開斯大會俾全國俄民得以觀摩而增長知識故令每村推舉代表二三人與會俾得傳佈普及復於會場設一宣講臺俄民皆得入內聽講以期一洗舊習而達增進新知之目的

況 狀 之 會 開 會 覽 博 科 斯 貴

國十九




八月十九日爲博覽會開會之期余贈以緞幛一軸藉表祝意上午十一時該會派來花車二輛迎余等赴會余等一行共六人卽乘之而往抵會場有招待員引余等入特別外賓席會場設於露天場內約有一二萬餘人各守席次秩序井然正中設演說臺是日微細紛紛之際有飛機兩三架盤旋空際散布開會秩序之傳單未幾雨止發號作樂各人脫帽起立會長報告開會宗旨以下各要人按次演說惟外交總長齊切林氏演說時掌聲若雷亦足以見俄民之崇拜也繼爲駐莫外交團首席土耳其公使摻法語演說畢繼推余演說乃登臺略云鄙人代表中華民國東三省參與莫斯科第一次農業博覽會至爲榮幸貴國方經世界大戰及政治革命破壞之餘從事建設百廢待舉萬端草創乃首先注意農業開斯空前之盛會（原俄國開農業博覽會此爲首次）立國家根本之大計不勝欽佩敝國亦爲農業之國而東省農業正在發軼之初

想貴會內容之美備必能俾鄙人滿意而歸藉得他山之助增吾東省農業之進步是
皆貴會之所賜也鄙人謹代表吾中國東三省官民以極誠懇之意祝貴國農業前途
日進無疆敬贈貢會錦幛一軸聊作鄙人參與貴博覽會之紀念演說畢即由該會會
長向在場羣衆宣言中國東三省代表遠道參觀既致誠懇之祝詞復贈物品以資紀
念我蘇俄同胞理應致謝於是羣衆掌聲振耳且該會長復與余等攝一照片留作紀
念其意殷拳甚可感焉

莫斯科之皇宮與教堂

莫斯科本爲都城自彼得西遷之後稍形寥落迨蘇維埃政府成立於此復爲新京矣
全城街衢如蜘蛛網莫斯科河橫貫其中建築之偉大殆無其匹其中以克列母皇宮爲
最金碧燦爛高聳雲霄位於城之中心禁城之牆爲中國式雉堞相連門旁有兵士荷

戈鵠立余等入門先至亞歷山大二世紀念亭亭之三面則繞以遊廊仰牆上繪俄國兩朝歷代帝王之像由留里克朝一世起至羅滿諾夫朝亞歷山大一世止各詳姓氏及在位年數意同譜系廊前有大理石台一座卽亞歷山大二世銅像之基其像則於革命時爲俄人所踏石座四周之字亦爲所鑿損足見俄人怨皇室之深也聞該皇宮有一部分係十六世紀所建築爲清初某華人所設計故建築類亞洲式樸實堅固無歐西靡麗之風寢宮內有紫檀臥床圍以團龍紅綬之幃聞此床爲中國皇帝所贈法皇拿坡崙於一八一二年侵入莫斯科時曾在此床住宿七宵繩彼英雄不禁人亡物在之感寢宮外卽爲俄皇會見羣僚之所聞昔年窗外曾有用繩繫之昇降盤上端則繫以鈴俄氏有陳述事時卽置陳請書於盤上俄皇聞鈴響卽親自掣上閱覽與我國之登聞鼓相似可見俄國創業之君恐民間疾苦壅於上聞故設此法以求民隱其後



焉在部員委行執俄蘇今宮皇科斯莫

四十一

嗣君深居簡出皇城又爲禁地不許俄民自由出入堂高簾遠君門萬里即疾苦萬狀亦無由達天聽矣於是舍革命一途外則別無他道也其十七世紀續建築之宮則規模宏大金碧交輝近於歐洲式其中陳設五光十色窮極奢侈其戲院尤爲雄壯上下七層可容萬五千人前萬國共產黨大會即開會於此吾人徘徊其中不勝今昔之感宮中教堂亦甚多建築之偉麗與宮殿相等大有五步一宮十步一堂之概更有一教堂頂上之十餘銅質十字架上均嵌以月牙形據云爲表示曾受成吉思汗蹂躪之紀念嗣卽往遊莫斯科河畔之第一大教堂聳立雲際外牆均大理石砌成滿鏤宗教神像有低眉者有怒目者有裸體者有插翼者形形色色莫可名狀余等購券而入有老僧引導四壁有油繪神像中爲聖母及基督像精神畢肖栩栩欲活多出名人之手筆尤有以珍珠寶石嵌成基督之像可爲奢侈之極堂之左側設有皇帝之御座爲帝制

時代預備皇帝臨幸之用因此堂爲亞歷山大第二所勅建者也聞莫京共有大小教堂二千五百餘所南朝四百八十寺未免有愧色矣回想從前莫斯科爲舊教之源泉此堂更爲皇帝所勅建窮奢極侈自不待言今則一二老僧尙能津津樂道宛似白頭宮女閒說玄宗能不爲之感慨無已乎

聯邦之組成

自俄羅斯社會主義蘇維埃共和國奠都於莫斯科後各處之社會主義蘇維埃共和國乘機而起一時輩出如烏克蘭共和國、白俄共和國、高加索地方則有阿爾美尼葛魯金、阿皆爾別依占、三共和國布哈拉共和國、土爾其斯坦共和國、遠東共和國等不遑枚舉此多數共和國之產生原因由於革命之初於一九一七年十一月二日宣言承認俄羅斯各民族平等均有自由自決權及各民族得自由分離建設獨立國家於

是各民族據此宣言紛紛獨立各自建設蘇維埃共和國莫斯科政府有認為統一之必要於是先圖自己政府之基礎鞏固聯合全俄而統一之實行中央集權之策迨日本撤兵於西伯利亞時遠東共和國無自立之能力首先歸併於莫斯科政府而莫斯科政府即與烏克蘭白俄及高加索之三共和國協議共組聯邦於一九二三年（民國十一年）十二月三十日開第一次聯邦會議於莫斯科其議決如左

一 聯邦以左列之六共和國組織之

俄羅斯社會主義蘇維埃共和國

烏克蘭社會主義共和國

白俄社會主義共和國

高加索之阿爾美尼、葛魯金、阿普爾別依占、三社會主義共和國

一 本聯邦定名曰俄羅斯社會主義蘇維埃聯邦共和國

一 以俄羅斯社會主義蘇維埃共和國爲盟主

一 聯邦各共和國之政務中如外交陸海軍外國貿易交通郵電勞農監督最高經濟會議勞動糧食及財政等分爲十部由聯邦統治之

一 以莫斯科爲首都

一 組織聯邦之各共和國無論何時得退出聯邦

聯邦成立已由革命時代移入建設時代決定以下三事爲紀念聯邦之成立

一 建築聯邦紀念館於莫斯科

二 開農業博覽會於莫斯科

三 以第一次聯邦會議開會之日（十二月二十日）爲國慶日

蘇俄聯邦之政治組織

現在俄國之政治組織即馬克斯所謂由資本主義之社會變成共產主義之社會其過渡期中適成爲無產階級國家之獨裁政治故其組織單純理論一貫非從前世界各國之政治組織所得比擬者直可謂俄國共產黨新發明之特別政治也今爲解釋蘇維埃政治一語我國有從日本譯爲勞農政治不過便於表示俄國立國之實體按之文字內容殊不完全蓋蘇維埃 (Soviet) 不過會議之義與其謂爲勞農不如仍以蘇維埃稱之爲確當也

蘇維埃制與民主制不同從國法學或憲法學上所區別之君主制民主制判斷之則蘇維埃政治當然爲民主制即國家主權在民之意乃蘇俄憲法第一條規定俄羅斯以勞工兵士農民之代表組織蘇維埃共和國又憲法第十二條規定共和國之主權

屬於全俄蘇維埃會議該會議閉會中屬於聯邦中央執行委員會然則國家主權實在蘇維埃會議及中央執行委員會此蘇維埃會議及中央執行委員會由勞工兵士農民三者之代表組成之總攬主權而行使之最高機關則所謂蘇維埃政治之特色尙不無可加以指摘者卽名爲國家主權在於國民實則仍屬之兵工農一部分之國民而非國民之全體也彼於憲法第三條欲打破社會之寄生蟲（游惰之民）階級而謀經濟生活之調和起見曾宣言實行一般勞役制度又於憲法第十八條認定國民有勞動之義務曾揭橥不勞動者不可得食之標語是其根本上之所謂公民權僅限於勞動者（男女十八歲以上之勞工農民兵士）而不勞動者絕對不能享其權斯則與民主制不同之點也

蘇維埃制與立憲制之不同今世號稱立憲政體之國家并非僅有憲法之謂蓋不論

如何國家苟既成爲一國必有一根本法規以規定其國家組織之大本及其統治之形式然則世殆無無憲之國不過有成文法與不成文法之區別耳若以有無成文憲法而論今日之俄羅斯於蘇維埃政府創立之始即有成文憲法以爲國家最高之法規特就立憲政體之本質言之今日公法學者之定論國家統治機關必區別爲立法司法行政三權鼎立各不相侵方得謂之立憲政體也乃現在蘇維埃之政治所謂立法司法行政混而爲一故蘇維埃政體與其謂爲立憲政體毋寧謂爲專制政體之爲適當也其專制政治大權獨操於共產黨之手共產黨員雖號稱百萬而實則不過列寧托洛斯克加眉納夫等二三有力之領袖操縱之指導之而已

統治機關之統系自中央政府以逮各聯邦之各市各省各區各村不外二種機關耳即蘇維埃會議與執行委員會是也就一村言之有一村之蘇維埃會議及執行委員

會等而上之以至中央莫不皆然今將此統系列表於下

蘇維埃會議

全蘇維埃聯邦會議

俄羅斯共和國蘇維埃大會議
烏克蘭共和國蘇維埃大會議
各市蘇維埃會議
各省蘇維埃會議
各縣蘇維埃會議
各村蘇維埃會議

白俄共和國蘇維埃大會議

維埃會議
埃會議
維埃會議
埃會議

高加索三共和國蘇維埃大會議

執行委員會

俄羅斯共和國中央執行委員會

各市執行委員會
各省執行委員會
各縣執行委員會
各村執行委員會

全俄聯邦中央執行委員會

烏克蘭共和國執行委員會

委員會
委員會
委員會
委員會

高加索三共和國執行委員會

全俄蘇維埃聯邦會議於去年十二月三十日開第一次會議議決凡在俄羅斯國內之蘇維埃各共和國組織聯邦同時規定聯邦之最高機關設置聯邦會議及中央執行委員會聯邦會議以全俄各市各省蘇維埃代表者組織之其選出之比例在市蘇維埃大會凡有選舉權者（勞工爲主體）每二萬五千人當選一人其當選總數共計二千二百凡有選舉權者（農民爲主體）十二萬五千人當選一人其當選總數共計二千五百十五名其中有議決權之議員爲一千六百六十七名無議決權者爲諮詢委員計五百四十八名聯邦各國之分配數如下

俄羅斯共和國	（議員 諮詢委員 計）	一七二七名
烏克蘭共和國	（議員 諮詢委員 計）	三六四名
白俄共和國	（議員 諮詢委員 計）	三三三名

高加索三共和國

（議員
諮詢委員）

一八三計

九一名

共計二二二五名

聯邦中央執行委員會由聯邦會議內各共和國之代表者依各國住民數之定比例選出委員三百七十一名（候補者一三八名）組聯之各委員之分配如左

俄羅斯共和國

一一七〇名

烏克蘭共和國

六八名

白俄共和國

七名

高加索三共和國

二六名

共計二二七一名

聯邦中央執行委員會於開會期間選出幹部委員十九人行使聯邦之最高職權其

議長各共和國一人（高加索三共和國祇作一國）現任議長及幹部委員姓名如左

議長四人

加利寧 Kalinin.

（俄羅斯共和國）

彼得諾夫司克 Petrovskiy.

（烏克蘭共和國）

撤比亞可夫 Chebyukov.

（白俄共和國）

那里瑪諾夫 Narimanov.

（高加索共和國）

俄羅斯共和國幹部委員十一人

加列寧 Kalinin.

（俄羅斯共和國）

士他林 Starin.

（烏克蘭共和國）

加眉納夫 Kamenev.

（白俄共和國）

雷闊夫

(Rulkov)

久羅拍

(Churba)

托姆斯克

(Tomsky)

莎卜羅諾夫

(Sabronov)

安傑奇

(Junkiche)

科拉斯克

(Krusky)

路蘇德

(Ruzutalk)

斯米篤維基

(Smidoutek)

烏克蘭共和國幹部委員四人

彼得羅夫斯克 (Petrovsky)

拉可夫斯克 (Lakovsky)

馬初里斯克 (Machulsky)

符里斯康 (Folikkon)

白俄共和國幹部委員一人

撤比亞闊夫 (Chebyakou)

高加索三共和國幹部委員三人

那里瑪諾夫 (Narimanov)

末斯尼闊夫 (Myasnikov)

末瓦尼 (Mojuoin)

俄羅斯共和國之代表者及幹部委員實占絕對的過半數以上故得任意處理聯邦

一切政務名爲全俄聯邦實則他共和國不過託庇於俄羅斯共和國之下其最高機關之聯邦會議每年例會一次由聯邦中央執行委員會召集之至臨時會議則依聯邦中央執行委員會之決定或有盟約國二國以上請求時召集之聯邦會議閉會中即以聯邦中央執行委員會爲最高機關每年例會三次至臨時會則依中央執行委員幹部之決議及聯邦國務院或各盟約國之中央執行委員會請求時召集之但聯邦會議及中央執行委員會均非常設機關故爲執行聯邦所掌管之政務起見特設人民委員會（聯邦國務院）爲行政機關選舉議長（國務總理）副議長（副總理）及前述十部之人民委員（各部總長）聯邦政府之命令及決議其效力得直接實行於聯邦之全領土各共和國負有實施之義務但如有異議時得向聯邦中央執行委員會提出抗議亦惟聯邦中央執行委員會有停止其效力之權限各部總長之命令及

決議在聯邦全領土內其效力與聯邦國務院之命令及決議同而聯邦中央執行委員會之幹部及聯邦國務院均得停止其效力有時各共和國之中央執行委員會亦得停止之

中央執行委員會與人民委員會究屬二物且有上下級之分人民委員會爲其下級機關處理行政雖得發布政令訓令規則須即時報告中央執行委員會如中央執行委員會認爲不當時得隨時取消之或中止之人民委員會對於蘇維埃大會議及中央執行委員會負完全責任各部總長對人民委員會負完全責任可知此人民委員會於國法上地位甚低又不置大總統以爲首領他之立憲共和國中無此例也

俄國政黨除共產黨外雖有社會革命黨社會民主黨無政府黨少數黨等而統治國家之三機關如蘇維埃大會中央執行委員會人民委員會（國務院）悉爲一共产黨所操縱故自形式觀之機關雖有區別然自實質觀之則皆共产黨也夫以中央執行委員會與蘇維埃會議爲國家最高機關而以國務院置於其下者一則爲尊重人民代表所組織之機關一則爲蘇維埃政府出於迎合農兵勞三方心理以博好感之策共產黨復以政府立於表面而自身則隱於裏面操縱之其用心亦頗深又避從來內閣及國務院之名稱而特命名曰人民委員會及人民委員者一則因其權限與從來之政府不同一則因深惡從前政府大臣橫暴無道蹂躪人權之歷史此亦迎合人民心理之一種手段而已

現在此等統治機關及政黨中握實權之人物舉其名氏國籍如左

國務會議議長
聯邦會議名譽議長

勞動及國防會議議長

列寧

列寧病中代理中央
執行委員會幹部

加眉納夫

邦聯會議議長
全俄中央執行委員會議長

加利寧

最高經濟會議議長

樸古泰諾夫

俄人

猶太

交內警務總長
通務總長

戴耳巾斯克

波蘭

外國貿易總長	庫拉辛	俄人
郵電總長	撲獨奧斯克	波蘭
外交總長	齊切林	俄人
司法總長	科拉斯克	未詳
勞農監督	久羅拍	俄人
民族事務總長	士他林	猶太
教育總長	路拿雀斯克	俄人
革命軍務會議長	托洛斯克	猶太
陸海軍總長	勃留哈諾夫	俄人
糧食總長	稅瑪休穀	烏克蘭
保健總長		

農務

總長

耶穀拜殼

烏克蘭

社會

總長

維諾苦樂夫

俄人

財政

總長

索廓爾尼柯夫

俄人

勞動

總長

休姆特

未詳

國立銀行

總裁

許迺門

猶太

然則握中央執行委員會之中樞而任命此等總長者誰乎不外列寧、托洛斯克、加利寧、戴耳巾斯克、士他林、布哈林、鳩諾威愛夫、加眉納夫、等是也

列寧人皆知爲赤俄蘇維埃政治之柱石然其最高權力之聯邦會議議長及中央執行委員會會長則屬之加利寧而列寧但居國務會議議長（國務總理）及聯邦會議名譽議長加利寧原爲勞動者（木器師）出身其聲望與手腕遠不如列寧乃其位置

比較列寧爲重要始爲列寧之傀儡而爲列寧所利用者也

列寧等之歷史茲略述之尼古來列寧 (Nikolai Lenin) 本名福拉吉米(名)依里次
(父名)烏里焉諾夫(姓) (Vladimir Ilyich Ulyanov) 於一八七〇年四月十日生於
興般斯克省其父爲該省小學視察員蓋俄皇政府下之一官僚但其諸子均從事革
命活動列甯之長兄亞歷山大爲學生時即投身民意黨之暗殺部爲其一員以圖刺
俄皇亞歷山大三世失敗被逮與同黨數人均受絞刑列甯初與其兄同爲暗殺黨員
旋拋棄暗殺主義加入社會民主黨曾入卡臣大學肄業因參預工團運動及學生連
動被校中斥退復入聖彼得堡大學法科肄業於一八九五年畢業在校時與同學組
織學生馬克斯主義團體旋加入工黨活動畢業後爲彼所自組之聖彼得堡勞工解
放協會代表至國外繼續活動以期擴充此種組織遂與瑞士勞動界之同樣團體聯

絡并結識瑞士著名社會學者泊勒克哈諾夫氏頗受其勢力之支配回俄後屢次被捕入獄卒被放至西伯利亞後由西伯利亞回復往日內瓦（瑞士京城）及巴黎居住多年境況奇窘專事研究經濟學同時為新聞記者仍經營革命事業彼之更名列甯即在此時當二十世紀初期俄國革命黨分為兩大派即社會民主黨與社會革命黨後者主張暗殺實行恐怖主義前者主張予勞動界以教育灌輸革命知識造基礎鞏固時機成熟乃實行總革命列甯即屬於此黨此黨有精密組織之秘密運動其指揮機關半在俄國半在瑞士此外同樣組織偏於歐美各國一九〇五年全俄各地疊起革命動亂即社會民主黨所為最後莫斯科一役完全失敗於是社會民主黨分為兩派一為布爾雪維克派以占有多數得名一為孟雪維克派以占有少數得名此兩派互相水火布派主張絕對的實施共產主義列甯即為其領袖一方反抗俄皇之專

制一方又須與孟雪維克派奮鬥如是者歷有年所其精力之強固亦可驚已氏於一八九五年間以有力之經濟學社會學著作聞於世其出版物有「俄羅斯社會民主問題」及「俄羅斯中流社會文學中馬克斯主義之反映」彼等之經濟學著作可以「十二年」一書包括之當放逐於西伯利亞時著「俄羅斯資本主義之發展」一書發揮馬克斯主義極為有力自西伯利亞歸後曾為社會民主黨在外國刊行之機關報(TsKoE)主筆數年歐戰既起列寧力勸歐洲勞動界反對戰爭一九一七年三月間俄國第一次革命發生後氏潛謀歸國知聯合國將不許其取道英法乃請諸德意志當局德人以氏果回俄必於俄軍間宣傳非戰主義則於德國軍事大有裨益遂給予通行證并以專車送氏及其同志由德返俄氏回國數星期即使新成立之溫和社會主義派對政府大為擾亂不得不下令逮捕氏遂逃出彼得格洛七月間主使同

黨起事失敗又遁至芬蘭受庇於海爾新福司警察長未幾喬裝鐵路火夫潛抵俄境造布黨革命成功於十一月七日復入彼得格洛遂爲蘇俄政府領袖以迄於今當一九一八年夏間有社會革命派番耐喀泊蘭氏槍擊列寧中其頤當時槍子不能取出頗受痛苦直至一九二二年春間始得取出而健康終未完全恢復余至莫斯科時氏正養病鄉間欲謀一面而不可得引爲平生遺憾云

托洛斯克爲赤軍統帥夙著威名彼曾以未受軍事教育爲憾遂入陸軍大學以優等成績畢業戴耳巾斯克爲高等警察首領負盛名原來維持蘇維埃政府全恃赤軍與高等警察之力雖現在已將高等警察改爲警保部然警察政治（偵探等）依然續行彼除任此總長外更兼內務交通兩總長之職布哈林爲過激派中之健將常指摘列寧之立法及施政方針不與社會共產主義宗旨相一貫且每流於讓步的軟弱而反

對之鳩諾威愛夫亦爲共產黨中之重要人物加眉納夫爲列寧病中之代理士他林久爲民族事務總長而當國內各民族統一調和之任要之以上諸人皆爲今之全俄蘇維埃共和國聯邦最高幹部執政黨魁或以三寸舌或以三尺劍宣傳革命煽動民衆對於全俄國民操生殺予奪之大權者也

蘇維埃政府中有多數之猶太人且甚有勢力頗爲奇異有疑俄國爲猶太人所支配者有慮爲猶太人世界革命隱謀之一端者其實緣建設蘇維埃政府之共產黨即所謂第三國際 (*Internationale*) 以建設國際的共產主義新社會爲宗旨故對於住居俄國之各民族皆平等待遇苟贊同社會共產主義則不論國籍悉抱一視同仁之概故雖以政府幹部爲國際的開放亦所不惜且揭載於憲法中即此次來華之加拉罕氏即亞爾米尼亞人其他波蘭人德意志人亦不少不獨猶太人也

蘇維埃政府悉爲共產黨所佔據絕不容他黨參入僅認自己之共產黨爲政黨將他黨盡力壓迫蹂躪而他黨不得已祇有銷聲匿迹待時觀變耳甚至不堪壓迫而遠避國外者亦有之即同爲社會黨因主義稍有參差與共產黨分離之少數黨今亦失其勢力故現在之俄國者共產黨之俄國也其黨員曾逾百萬以上人數既多良莠不齊或藉黨中之力魚肉不入黨之人民受其蹂躪者率敢怒而不敢言故一般俄民對於共產黨抱好感者甚屬寥寥現政府亦稍有覺悟逐漸淘汰黨員以減少其反抗力故多年盡忠社會共產黨主義功績顯著者受一般黨員尊重如列寧、托洛斯克等均曾爲社會革命運動或被繫獄或遭徒流或亡命國外於流浪漂泊中備嘗艱苦之人物也此等有功元勳皆爲共產黨之領袖或於蘇維埃會議而執牛耳或於中央執行委員會爲最高幹部或入政府爲總理及各部總長其總攬統治權辦理國家大政者雖

形式上爲國家統治之機關而實質上則爲共產黨之幹部以少數之共產黨支配多數之俄民事非易易故蘇維埃政府殫精竭慮慘淡苦心迎合國民大多數之好感防止其反抗共產黨之成功即在於此也

俄國經濟政策之變化

共產主義發源於馬克斯之學說俄自一九一七年革命一九一八年七月宣布憲法純乎共產主義至一九二二年十二月聯邦會議再宣布大聯合新憲法則爲新經濟主義始終皆由列寧主持蓋自破壞以至收拾時不過四五年擾攘破碎之局又擗搥而合爲一惟開放一久被瓜分之波蘭及芬蘭其餘仍隸屬於莫斯科政府之下茲據其先後共產主義關於經濟方面漸有變化可以知矣

破壞非用武力不爲功俄以勞動爲神聖則農工盡之矣然必加兵之一種用爲破壞

之利器其所謂兵亦非若我國之軍閥其實即假暴力於農工而農工以外之抵抗力則務剝奪之其憲法以兵工農並重對於勞動者與以武裝并組織紅衛軍至於資產階級完全解除其武裝俾勞動者常處優勝而使剝削階級不得再握政權又憲法大原則凡公民皆有為兵役之義務勞動者人人得以軍械以保護革命之光榮但其他兵役義務則非勞動者所共負此兵即農工之說而其組織為紅衛軍者乃為戰事所用之兵其餘則凡勞動者皆為剷除資本者之兵而已公民即勞動者亦即兵工農三種名為公民即與選舉被選舉之公權相應合俄國公民年滿十八歲無男女宗教民族之別均享有選舉權被選舉權但其人有三種一自食其力者自食其力之家屬農工商之勞動者雇傭者二海陸軍人三以上二種之一而現時不能工作者是蓋農工兵三等人或為其家屬而未勞動或有事故而現不勞動者皆為公民限制可謂寬矣

其所限制則除精神病及犯罪爲普通之消極資格皇族及舊政府之警察偵探爲政體之反動外則有四項一雇傭他人以謀利者二恃產業以爲生者三商人之代理人中間販賣者四教士然則夥伴可雇勞工不可雇直接之商販可爲間接之商販不可爲是驅一國而止爲小農小工小商不容大農大工大商之發生也

尤可異者爲經濟政策在平民獨裁政治之過渡時代專沒收資本家之財產使全國人民生產分配平等國民代表認爲關於特定情形或全國公益者有侵犯私有財產之權利國家當竭力助成之是爲舉一國而仇少數資本家不但土地沒收已也凡私有財產皆以國力助其侵犯其他如森林礦產水道牲畜農具工廠鐵道銀行及一切交通生產之具均宣告爲公產以及取消債務凡資本家之反抗能力可謂摧陷廓清無微不至矣

列寧之理想以爲土地固屬國有今既分配於農民而其耕種所得不妨視爲農民之報酬政府應令農民出其穀物交換其所需要之工業品然事勢不能實行何則二三年來反革命派之戰爭資本主義國家之封鎖都市工業幾已完全毀壞工廠生產品殆如鳳毛麟角而數百萬紅軍生活之所需又不得不取給於農民於是蘇維埃政府遂下強制徵發穀物之令夫所謂強制徵發穀物者即迫令農民售其己身所需以外之穀物於國家由國家付以紙幣之價云爾紙幣之價格日落農民遂不啻以辛苦耕種之所得交換無限之廢紙農民初不知共產之利害見其辛苦經營化爲烏有則心必不甘於是頑強者竊思有所抵抗而懦弱者相率爲消極之應付所謂消極應付者卽農民除供給其本身及家族所需之穀物外不復盡力畎畝多事生產一人如是十人效之一邑如是十邑效之因是之故素稱天富奧區之沃瓦河流域於一九二〇

年竟成餓鬼之地獄而田野荒蕪全國饑餉之結果遂使勞農政府不得不改弦而更張此一九二一年三月新經濟政策之所由來也


新經濟隨時勢而形成政策非以政策而行新經濟也夫新經濟政策在列寧不認為共產主義之讓步而以為結束破壞之終局樹立建設之始基又一方面鑒於國際關係狀態之不決復有外界襲擊之新危險於是使各蘇維埃共和國不能不建立一公共防禦綫以抵抗資本主義者之包圍不曰屈從而曰公共防禦與抵抗包圍其立言亦甚巧妙可思也

新經濟政策實行後之財政

俄國之新經濟政策大旨不外三點（一）准許農民與小工人自由交易農產物與製造品惟土地仍歸國有不許農民自由讓渡按此乃恢復商業行為而仍不背土地國

有之原則者也（二）准許私人資本經營中小工業相互買賣惟大工業仍由國家管理按此雖變通工業國營之原則而國營之大工業仍有吸收私人小工業之可能者也（三）以租借之形式准許外資輸入經營實業而又訂立條約預備收回按此則所謂因敵之糧養我之兵者也此種政策實因環境所迫不得不因勢利導然其影響於俄國金融界及對外貿易之前途則甚大茲特詳細言之

蘇俄自政府初成立時即頒布銀行國有之條例凡私立銀行均歸消滅其存在者僅一國家銀行而已（一九一九年易名爲人民銀行）然工商業既均禁絕則銀行除爲國家代理國庫外實無他事可爲嗣即宣告破產而俄國遂成無銀行之國家矣自新經濟政策頒布後允許人民自由交易積聚財產始又組織蘇俄國家銀行於一九二一年十月頒布國家銀行法令設總行於莫斯科設分行於國內各大商埠計約二百



幣紙之布盧十五年三二九一俄蘇

餘處二年以來此蘇俄國家銀行信用乃日趨鞏固國內事業亦漸見發達去年（一九二二）十一月間國家銀行發行一種金貨新紙幣名曰吉拉溫次其本位等於十金盧布然祇國家銀行如此計算該銀行出款時只付與紙吉拉溫次之貨幣絕不付與現金盧布而市面上與現貨究差多少之價格余初抵莫斯科時一吉拉溫次在市面僅換七元四五金盧布及返國時遂漲至九元五六幾與現金盧布相等是足徵該銀行之信用日著也聞該銀行現在固定資本爲五百萬吉拉溫次（約合我國銀幣五千萬元）其資本之充實可以想見復考查該行總分行自創立以來截至本年（一九二三年）六月底止收入之存款達七〇〇〇·〇〇〇吉拉溫次同時所發行之吉拉溫次紙幣則僅七·〇〇一四四吉拉溫次是該行所發行之紙幣殆已全數化爲存款足徵人民信賴該銀行之深再就其銀行所存金銀硬貨及外國銀行紙幣

之總數觀之更可知其信用昭著茲錄該行本年八月十六日所公布之資產及負債表於左(均以吉拉溫次爲單位)

資產項下

- (1) 金銀硬貨擔保品(單位均合算成吉拉溫次)
 - 金貨六。九八二。一一五。三
 - 銀貨七二。九九七。一
- (2) 外國銀行紙幣八九五。七一八。一
- (3) 外國貨幣匯票四〇〇。五五九。六
- (4) 貼現期票四。九九五。四〇七。四
- (5) 保證貸款三。五八〇。〇〇〇。〇

合計一六・九二六・七九九・五

負債項下

(1) 已發紙幣一五・九〇〇・〇〇〇・〇

(2) 可增發紙幣一・〇二六・七九七・五

合計一六・九二六・七九七・五

據右表以觀僅就金銀硬貨及外國銀行紙幣兩項担保統計已達七・九五〇・八三〇・五吉拉溫次與已發紙幣一五・九〇〇・〇〇〇・〇吉拉溫次相較適當二分之一按蘇俄所頒布發行紙幣之法令紙幣保證金須有四分之一今其國家銀行之紙幣準備金已超過定律之一倍此雖爲該銀行自己所公布未可據以爲實然徵諸市面
上吉拉溫次之價格日漲是其所頒布者頗爲可信也

新經濟政策實行後之對外貿易

自各協約國封鎖蘇俄國境後蘇俄已無對外貿易之可言迨新經濟政策頒布乃力謀對外貿易之發展一九二一年二月俄國波斯商約成同年三月俄英商約成俄土條約成五月俄德商約成九月俄國挪威商約成一九二二年俄復與瑞典、意大利、捷克斯洛伐等國締結商約對華對日亦屢次磋商國內復設對外貿易委員會專司國際貿易而以克拉斯新爲總理蘇俄政府爲管理對外貿易起見最近曾有二種法令如下

(甲) 一九二二年十月頒布之法令共四有七條今摘其重要者如下

(二) 對外貿易委員會在國外之權力由蘇俄貿易代表團行使之即蘇俄在國外經營貿易之機關均由駐在該國之代表團指揮管理

(二) 凡人民委員會及地方經濟會議所承認之經濟企業團體不問其爲國家的中央的地方的如能謹守國外貿易專利之原則可以各由其自身之代表機關在國外經營貿易

(三) 凡經濟企業團或其代表機關須將其貿易計畫呈報對外貿易委員會或就地代表團核准

(四) 凡對外貿易委員會或蘇俄貿易代表團所簽訂之對外契約以及企業團體或箇人所簽訂之對外契約而經全俄中央執行委員會或對外貿易委員會所核准者其義務由國家負之否則國家概不負責如有破壞本法令者卽行處罰

(乙) 一九二三年四月頒布之法令條文共有九條今摘其重要者如下

(一) 蘇俄在國外之根本的貿易機關即為蘇俄貿易代表團

(二) 國家生產的企業團及其會社經營國外貿易時祇許售出其自身之生產品亦祇許購進維持其自身企業所必需之物品如向國外購買他種物品轉賣於國內或購買他種物品而轉售於國外均須禁止

(三) 國家生產的企業團與其會社如為某種進口貨之惟一使用者可經保護勞工部之核准對於進入該項貨品有專利權

(四) 國家貿易機關不准經營獨立的進口業

(五) 蘇俄貿易代表團對於經營國外貿易之國家的生產企業團及其會社之關係由保護勞工部特別規定

(六) 蘇俄人民或官吏如破壞國外貿易專利法當受法律制裁

蘇俄政府頒布右列二項法令即在謀增加輸出品減少輸入品其減少輸入品之惟一手段即在使國內有大宗生產之物品遏止其由國外輸入而對於生產所必需之機械工具之輸入則又極力獎勵使國內農工業可藉以急遽恢復此項政策之收效觀夫左列之表從可知矣

貨品
佔進口貨品之百分數

	一九二三 同 年	一九二三 同 年	年 十 月	十一 月	十二 月	年 一 月	二 月
糧 食	三四〇%	二三·四〇%	一四·一〇%	一〇·八〇%	九·八〇%		
五金及其製品	三〇·四〇%	三·八〇%	四三·九〇%	四二·八〇%	三四·八〇%		
化 學 品	六·三〇%	一二·七〇%	一六·三〇%	一七·六〇%	二八·四〇%		

棉 織 物

四 % 九。六 %

據右表觀之即進口糧食一項自去冬迄於今春其輸入已逐漸減少足見蘇俄農業漸次恢復其所持遏止進口貨之方針亦漸收功效矣

蘇俄不僅遏止物品之輸入而尤注意於物產之輸出蓋藉此可以吸收外資以圖國內經濟界之活動於是整理運費減免賦稅以謀輸出之增加今試將蘇俄本年（一九二三年）一月起至五月止之貿易狀況表列之於左（以金盧布爲單位）

月份	出 口 貨	入 口 貨	出 入 超
一月	一七〇〇〇〇〇	八〇〇〇〇〇〇 (出超)	九〇〇〇〇〇〇
二月	一九二一〇〇〇〇	六六〇〇〇〇〇 (出超)	一二六〇〇〇〇〇
三月	一〇六〇〇〇〇〇	一五五九〇〇〇〇 (入超)	四九九〇〇〇〇

四月	二四〇〇〇〇〇	一〇〇〇〇〇〇	(出超)	四〇〇〇〇〇
五月	三一八〇〇〇〇	一七一五〇〇〇〇	(出超)	一五五五〇〇〇
合計	一〇三六〇〇〇〇〇	六七四四〇〇〇〇	(出超)	三六一六〇〇〇〇

據右表觀之此五月間惟三月份爲入超而五箇月間統計出超竟達三千六百十六萬金魯布之多則獎勵輸出之計畫卓有成效然究其出口貨增加之故實爲金融之活動及國家銀行對於實業界大行放款之功考查該銀行本年自五月一日至六月十五日間之新放款已達六千萬金魯布苟依此速率計算本年度該行放款可達五億金魯布之多又截至六月十五日止國家銀行對實業界放款之總額達一億金魯布則實業界之受其資助已非淺鮮而其他銀行之放款尙不計焉銀行對實業界之放款直接所以助實業界而間接即是增加輸出蓋實業發達則輸出品當然加多也

俄國金融業之重振旗鼓對外貿易之逐漸發達實爲經濟界復興最大之徵兆當此經濟復興之時期中蘇俄之財政狀況何如亦大有研究之價值今據蘇俄人民財政委員索廓爾尼柯夫所述云本年度（一九二二年十月至一九二三年九月）預算中經常支出與特別支出有一鮮明之界限預算全部支出爲十四億金盧布其中十億零六千萬金盧布爲經常支出即國家行政經費國防費教育費等三億五千萬金盧布爲特別支出乃用以補助運輸事業某種工業及農業者也收入方面經常收入約十億零五千萬金盧布得之於現金或物品之稅款及國家企業之盈餘略可充抵經常支出之用至特別支出之三億五千萬金盧布勢不得不發行紙幣以抵補之然發行紙幣之權須加限制政府曾決議由財政委員會發行紙幣每月以三千萬金盧布爲限并令繼續施行限制之法故自八月一日起擬每月發行紙幣減少至一千五百

萬金盧布無論如何吾人不願步德、奧、波蘭之後塵再經一二年後當可脫離目前之財政地位即或不能而一年以後財政必較今年為進步則可斷言云觀索氏之言更徵上述之事實則俄國一二年後國家財政之漸趨鞏固當有可信者也

蘇俄之軍備

凡一國革命之後新政府基礎尚未鞏固在此時期內政府因欲維持其政權用武力及警察之力斷行嚴厲方策者歷史上不乏其例俄當革命時代亦重演此慘劇今入建設時代猶未脫盡恐怖之期雖去年縮小赤軍並廢高等警察之名改稱警保部然蘇維埃政府為保持其政權計今猶不得不倚賴此軍隊及警察之力余在莫斯科尚見各機關重要人物之辦公室外均有荷槍兵士嚴肅護衛

赤軍之編制根據憲法第三條云為保護勞動階級之權利并排除利己的僱主恢復

政權之便宜計特假武裝於勞動者以勞工農民編成社會主義的赤軍完全解除有產階級之武裝又憲法第十九條云因欲完全擁護偉大勞農革命之勝利故俄羅斯共和國以防護社會主義之祖國認為全國民之義務特制定徵兵令至於借武器擁護革命之名譽權利僅限於勞動者附與之其不勞動者課以他項軍務云據此編成赤軍制定徵兵令此赤軍為悍將托洛斯克所統率受共產黨嚴格之訓練故規律頗嚴肅當蘇維埃政府施政之始（一九一七年十一月）廢止社會上政治上各階級如貴胄以至士農工商之分別與文官之名稱等均一律撤廢以示平等惟軍隊間階級仍留其形式此蓋為維持其規律不能與他種性質同視也階級既廢平等精神極端厲行不間何種勞工或農民又不論何時何地均得求見政府要人以朋輩稱呼為自由之談話在軍隊中兵士與將校雖有上下級之分亦不過在練兵場或臨陣時為然

私人交接仍屬平等毫無階級思想

縮小軍備自去年海牙會議時標榜平和主義之蘇維埃政府代表則首先贊成之歐洲列強協商一國軍隊僅限於國防之用至攻擊的兵備全行撤廢俄國代表對此原則不僅欣然署名彼外交總長齊切林更進一步提議軍備縮小須為具體的協定不為列強所拒絕此會終後俄國又召集隣封諸國於莫斯科就軍備縮小問題開特別會議此會議中對於隣邦互相縮小軍備在道義上無復倡異議者然入具體問題協議各國兵額配置時則又決裂然俄國不問列強之如何率先厲行縮小軍備以示模範於各隣邦殊不知其實際動機多半為節減財政也

俄國軍隊於一九二〇年十二月計算共有五百三十萬人翌年銳減至百五十九萬五千人其中再除去非戰鬥員而為真正赤軍者計步兵九十五師騎兵四十九旅共

爲一百三十七萬人爲常備之額迨去年（一九二二）更爲縮小陸續裁減年長者現在軍隊以二十一歲至二十三歲爲限所留不過百萬人耳就此縮小軍備俄國當局者謂世界道德家盛唱縮小軍備其果爲平和主義歟尙屬疑信參半然俄國因此已減至百萬若世界和平真可得期俄人雖撤廢全軍亦樂爲之但今日縮小之數俄人已於信任世界道德家之程度而實行矣若再爲縮小現在尙非其時云

軍備既經縮小蘇維埃政府遂銳意於軍備之改善如改良兵器編練航空隊養成軍官是也現在赤軍軍官頗不整齊以無教育之農民勞動者居多數托洛斯克有鑒於此曾自進陸軍大學并使此等勞農士官入蘇維埃軍官學校受軍事教育今後努力改善自當月異日新而最近軍官中百分之六十七爲農民出身百分之十二爲工業出身百分之十爲共產黨員其餘舊帝政時代所留遺者也

蘇俄之教育

民可使由之不可使知之一語是數千年來專制時代愚民教育之要訣專制政治惟有人民無知識時纔能存在故過去之教育不過爲治者階級之特權而威服欺騙被治者之武器俄國在帝制時代正是如此而社會主義國家之教育正相反對以可使知之之原則辦理教育事業何則社會主義之國家不是要人民盲目的服從乃是使人民有理解的信仰人民有覺悟而後發生之自治力團結力方可爲社會主義國家之基礎亦即新社會之生命舊教育惟一之任務將適合舊國家舊社會道德習慣灌輸學生腦筋中蔑視兒童之箇性與天分至於新社會國家所需之新教育養成人民對於共同生活之理想俾人民同心協力不畏艱險向一定之目的進行盡量發揮人的才能故蘇俄教育具改造之計畫即視爲世界最初社會國家之建設事業亦無不

可也

觀其教育當局宣言之意俄國教育之方針使不識字人民在最短時期內逐漸減少至盡為度一面對於人民確立無費教育制度然則關於人民教育而決定方針之時必須要求教育家之援助故教育人民委員會（相當我國教育部）中設有教育家顧問部想俄國教育漸有振興之希望矣

從前帝政時代之教育可分三種政府寺院地方自治團體所經營者寺院為初等教育勢力頗強頑守舊教之宗旨不外宗教之教育地方自治團體所經營者皆初等中等教育而已至於高等大學均為政府所經營者也

蘇俄成立後教育全部積極收歸國家經營學費固不待言凡教員之薪水兒童之衣食均取給於國家其主張甚為正大各國教育家莫不稱賞之不置乃由事實觀察之

亦不過一種之理想在共產時代之初沒收全國之財物而教育方面自當分配多少祇可限於都會之部不能普及全國於是不得不變更方針自一九二一年來高等以上之教育歸國家經營其餘中等初等均責成地方團體經營仍收學費然今之教育較諸帝政時代有多少之特色列舉如左

第一排去宗教教育而代以共產主義夫共產黨之宗旨根本於馬克斯之主張排斥宗教者也故新俄羅斯之各學校必加共產主義之學科雖初等教育之一二年級未必盡加至三四年則非加不可也帝政時代之宗教教育雖稱極盛今則不但無宗教並倫理亦無之惟講共產主義之學問而已有人謂俄國之教育方針如是將來非常可懼若經二三十年之後造成真正共產主義之國而世界各國有不受其影響者乎雖然共產主義終無絕對之真理現在俄國政治漸已脫離共產而趨入國家資本主

義未必有若是之可懼者也學生受共產主義之學問畢業後未必即爲共產主義者如從前受帝國主義之教育而今乃造就成功有共產主義者有無政府主義者其理正相同也

第二之特色以實用爲主與實際生活結合獎勵實驗者是也此比諸帝政時代偏於宗教以古學爲主者已不可不謂之進步矣

第三之特色設立簡易之職業學校夜學校圖書館講演會等極力減少無教育者是也教育總長路拿雀斯克氏注意此點大聲疾呼力唱減盡無教育者爲當今最急之要務原來俄民之不識字者極多約居國民全數之八成較之我國亦不相上下也

小學校由鄉村共同經營以地方費維持之年限大都四年不取學費今由勞動者每月收入五十魯布以上者每年徵取五魯布從其收入之增加增至最高額每年二十

五魯布爲限然全國亦不一律視地方之情形如經費不足時更徵下級勞動者亦有之農村之教育費由農民徵收之其學科大概如下

第一年 國語 讀法 書法 體操 唱歌

第二年 增加 地理 歷史

第三年 增加 文法 物理 化學

第四年 增加 政治（即共產政治）學

教員養成所設立於大學所在地中學畢業者入之授以教育學等

中學校經費歸地方負擔如有不足由中央補助之收取學費其多寡視等級而異一年之費大約自四十魯布至六十魯布爲限學科除舊時普通學之外增加經濟學政治學其外國語授英法德三國語居多年限普通五年

大學校經費由國庫支給者多各分科之畢業年限醫科五年法科三年礦科工科建築科均四年學費每年自五十魯布至一百魯布惟莫斯科大學須二百魯布也

莫斯科有共產大學一所爲共產主義及宣傳之研究所使共產黨員入而研究之俄國之支部固不待論即各國支部所送之外國人亦准入學我國留學生亦有三十餘人內湘浙籍者居多聞其入境皆由俄人引導不須護照該大學不但免收學費卽衣食住亦不須學生自備均由共產黨供給者也職業學校爲教育不識字之工匠專教認字寫字大約六個月至八個月畢業更有勞動大學收容勞動者教以法律經濟機械建築等科學也

以外有設備簡易之兒童收容所圖書館公會堂繪畫室博物館等到處皆是大有普及之勢凡一工場中必有夜間學校星期學校或職業學校等附屬之此等學校總數

雖無一定之統計頗有發達之氣象也

學校之發達頗可驚異大約大學程度者有三十所學生約二萬四千名中學程度者約三千所學生四十五萬名小學程度者約四萬所學生約五百萬名其他職業學校約一千三百所學生九萬人勞動大學八十所學生二萬人即此可見俄國教育雖在草創時代尙且如是發達將來蒸蒸日上有不可輕侮者也


游歷波蘭法德之聞見

余在莫斯科連日參觀農業博覽會至八月二十日後有一部分因佈置未竣不能繼續參觀俟其竣工尙需時日余思莫斯科在開會期中生活程度過高閒住多日所費不貲不如利用此時間往波蘭法德一游藉以攷察波蘭開國之規模及法德戰後之情形且旅費較之滯留莫斯科無甚逕庭於是決計以私人資格游歷德法卽派關王

二隨員往俄外交部請給護照手續非常複雜交涉數次方始領到復送吾國領事館簽字再送波蘭法德三國使館簽字幸各方盡力援助尙無留難等情故於二三日內將領取護照及兌換各種貨幣購置車票等事準備完竣遂於八月二十八日起程李副領事與余同行午後三時赴站俄外交部員沙羅夫堯夫同引導員巴郎那夫斯基前來送行四時開車旋有同車之法國新聞記者來訪詢余來俄之任務及中國人民對法國之感情頗為詳盡余一一答之轉詢該記者法國戰後之經濟狀況如何據答云近年極力整理景象甚佳惟對德對英政治上稍有棘手之處余詢以對於蘇俄政治之感想及承認問題據答云來俄日淺未能與各種人類多所接洽至於蘇俄國家之內容尙不能深悉不敢遽評其優劣惟就個人理想現在蘇俄政治不過共產黨之獨裁政治恐多數人民未必能享其實利至於承認問題現在尙非其時因俄國於大


戰時積欠法債甚鉅自俄國革命後一律否認故國債不解決法國難承認余復詢其法國之共產黨如何據答云法國全國共產黨亦有五六萬人政府並不嚴厲取締時有高揭旗幟示威運動表示不滿政府之意黨員中亦有並非崇拜其主義不過藉以反對政府耳云翌日晨起見田疇平坦阡陌交錯一路皆膏腴之地始知俄國農業精華多在莫斯科以西正午十二時抵民斯基站 (Minsk) 按民斯基爲由莫斯科西行道中之要隘素爲猶太人聚居之處猶太國亡後其民善經商散處各國投身共產黨者頗多故蘇俄政府中勢力最强然則猶太人此後亦不能輕視也現此城爲白俄之都城地處險要爲俄波二國強弱之關鍵俄據之則俄強波得之則制俄當一九二〇年俄波戰爭時波軍幾佔其城幸俄紅軍中之中國隊奮勇血戰而保全之中國隊當戰鬥之時前係敵兵後有紅軍擬以槍砲退則死於督戰之紅軍降則波軍之積恨已

深亦無生理處此進退維谷之際困獸猶鬥一鼓作氣遂獲大勝於是華兵勇敢之名震於全俄俾婦女兒童聞之心悸夫吾華久以積弱聞於世界而爲人作嫁反得勇名於國外亦可見吾華民族非真弱也下午二時抵蘇俄西界國境守兵荷槍鶻立由此以西入波蘭境檢查行旅雖正嚴余以有外交護照則免受其盤查至六點餘鐘開車翌晨七時抵波蘭京城之華薩市下車投布力司託爾飯店 (Hotel Bristol) 稍事休息攷波蘭本爲古國強盛於十四世紀因內亂頻仍國勢就衰於二百年前瓜分於俄德奧等國華薩併於俄俄人經營之爲歐俄之繁華地城臨維斯拉河之左岸河面有半里之寬亞歷山大橋架於其上工程偉大亦爲歐洲之有數建築物該市周圍約有三十俄里居民除波蘭人外大約俄德兩國人居多城中街道整潔公園水道電燈電車等之設備頗爲完備教堂林立有俄國之希臘教堂波蘭之天主教堂建築宏麗均係



碑念紀之德孟吉西王國都京薩華闡波

百年以上之遺物皇宮內有別力維得斯基、克拉新斯基之寢宮及波王西吉孟德之紀念碑均係歷史上著名之物足以發人思古之幽情其公園中有小湖備有游船湖畔花木清幽風景絕佳綠草地上有三五女子在此對景繪畫頗有灑然出塵之致余自起程以來心神未有若今日之怡適者市中商店非常華麗工藝出品精緻可觀學校報館不一而足其鐵路東通維也納、南達柏林、北至聖彼得堡此城在歷史上戰蹟甚多雖爲古戰場不但無陰慘景象而且繁盛若此亦可謂別開生面者也當晚復乘車登程惟購睡車床位非常困難煞費交涉方始購得翌晨（八月三十一日）見道路平坦道旁植樹更覺整齊茂密森林葱鬱同爲人造而風致佳妙天然可愛詢知此地由德國歸還者足見德國經營之勞績拱手而奉還波蘭然則波蘭何修而得此殆所謂天意之不可知者歟現在之波蘭實爲法國之傀儡法國爲防俄防德計故極力助



克馬萬一幣紙之發所年二二九一國蘭波係此

之使強波蘭之軍械法國製造之波蘭之軍隊法人教練之波蘭之國債法人借與之故波蘭國境上之駐兵對於俄德二國持強硬之態度時有挑戰之情形以其內幕有法國爲之主動也午前七時許抵司巴曾(Zbarszcz)站爲波蘭境內火車之終點距波德交界尚有六里由波赴德者須在此換車余等在車站散步見道路整潔兩旁植樹婆娑可愛與李副領事出站游行蔭下約有四五里之遙由林中來一波蘭兵係在此斥堠者詢余等何往余告爲候車者示以護照彼卽行禮致敬並云前爲德境有德兵隱伏林中請勿前進余等即回至車站乘十一點車車行十餘分鐘已入德境余等護照係外交優待護照經駐俄之德波公使簽字故出入俄波德之國境行李得免檢查安然無事苟非然者其困難情形當不堪設想也德國鄉村房屋均以瓦草樓房頗多樸素整齊並無凋敝景象各車站相距甚近遍野森林鬱乎葱葱工廠煙筒時有隱現

下午五時抵柏林連過五站每站均有乘客上下甚形擁擠站內鐵道如網列車往來如織數分鐘間開車兩三次足見交通完備地方繁劇也余等下車後下榻於安姆槎旅館(Hotel Am Zoo)想德國自戰敗後民生凋瘵國力衰弱更受苛酷之條約創鉅痛深當不免蕭條景象然以柏林觀之熙來攘往繁盛依然且以幣價低廉外國寓公數倍於戰前市塵蟻集旅舍蜂屯表面上已不見有戰敗之痕迹惟就內容覘之不免有今昔之感焉德國受凡爾塞條約之苛酷幾至永久不能恢復除海陸軍限制十萬人外凡德國煤鐵之礦森林之區凡工業原料所出產之地悉割讓於法比等國賠償年須付一萬萬磅出口貨協約國徵值百抽二十五之稅德國發行債券六十七萬五千萬磅利息五厘準備金百分之一於三十七年內償還以關稅及賠償委員會指定之他項入款作利息此賠款如金錢不敷即牲畜機器礦產服裝器械建築材料等亦可

作抵如此條件爲法比二國之高壓手段實即歐洲和平之障礙本年春間法比聯軍佔領魯爾地方表面上藉口德國不履行賠償條件實則垂涎魯爾煤產豐富法國欲藉以發達亞爾薩斯羅來因之鐵業英國竭力反對亦不見效德國無力抵抗祇有民間之罷工歇業爲消極之抵抗所以法軍佔領德土後煤木輸入法國並不增加而密輸於德國者反較前爲多法比決行第一步懲戒策於本年二月在來因河岸設立稅關用軍隊駐守禁止木煤燃料從魯爾流域輸入德國本土所有往來未佔領德境之運煤車輛均爲法國扣留折往法比夫法比既佔埃森波罕多得門之原料出產地復佔鄂芬堡阿本威爾及魯爾以南之農產地現在法比所佔地已達二千八百方公里來因河兩岸殆已多在法國武裝壓迫之下然德人之消極抵抗如罷工阻礙交通不服法軍命令等仍進行不已法比決行第三步懲戒策從本年二月中旬起禁止金屬

品及製造品從佔領地運往未佔領地凡從來因河輸出物品非得法比軍之護照概不準出口今法國在佔領境已獲焦煤爐一萬四千二百隻每日出煤八萬噸先後運往法國共計一千零二十餘車德軍官被逐於魯爾者已有二百八十餘人被逐於來因河流域者五十餘人法國如此行爲各國輿論均不滿意然德國雖屈服於威力而民間復讐之念愈切而愈深國家雖爲條件所束縛不能製造兵器而私人家中秘密製造者甚多亦可見人民臥薪嘗膽之意也

觀察德國狀況之內幕欲求一二端之進步幾不可得蓋其擾亂紛雜仍復不減於前每有差強成功之舉輒復見阻而不果大似流波之水爲風激浪初無一定之傾向而水線又屈折不合軌道以使之順流其第一端即左右黨之爭保守與急進宗旨各別復辟與國家主義黨尙圖顛覆共和重建帝制以抗協約之要求避去凡爾塞條約且

恨法尤深務以背城再戰爲抵制此右黨也至於左黨趨向正相逕庭社會黨固守共和而不甚注意於法國彼等以爲伸張勞工之權利較諸外國政治問題爲尤要極端所趨且有主張共產者質言之即假德國共和之政體以宣傳其俄國之主義此二黨者常有接觸各國黨派雖亦有不同而無獨立國家相沿之陳跡乃普魯斯之全境及撒森奈巴維利亞溫登堡貝敦哈拿伐在歷史上素爲德國之聯邦但於近日始各解體甚且圖謀分裂其分裂之故則甚多因各方重心之不同有圖謀以巴維利亞爲新德國建設之領袖者有主張仍舊擁戴德皇維廉第二及其太子復辟者又復益以古來部族宗教之各異新舊政綱之極端工業政治上之關係法比兩國利德國分裂多數小國俾永久不能聯合免將來再圖報復鼓吹挑撥不遺餘力凡此諸端在在足爲德國分裂之火綫余固不幸德國有此等之事實發生而以其實際狀況觀之正有可

能之點足爲殷憂者也

攷德國之分立黨以來因河畔爲策源地蓋來因河畔固有其獨立之歷史而近日決不能與普魯斯遽爲接近魯爾則又爲工業地點人民多屬於社會黨其心理自與復辟者背馳然今法人之佔據來因河畔及魯爾卽以法國官報之否認言之佔據者爲法國之軍隊而非法國之政府所以保護社會黨之進行而制止多數人民之擾亂則以物質上之情況觀察必可占較多之勢力夫德國政府已不能供給人民之食料工人庶民對於抵抗但有悲泣之聲而重以將付協約國以賠償之煤礦主又將因是以不能開工則饑餉且成爲一種問題矣

卽今言之如法國政府與礦主協商得成約之結果與廠主立約使工人得贍其食同時德國之情形日惡惟來因及魯爾之人稍得自治而因得以漸次進步廠主既願得

法國軍人之保護而工人又得脫逃德國饑餓之厄一入法國幣制糧食均有轉機自是歡迎之不暇故法國侵佔德地使之分裂而成一二二區域將由法比政治財政之力以促其進步在廠主祇圖目前之安故消極抵制亦難持久也

總之於今並無他國可圖救德實亦即無他國可以抵抗法國也去年英國既失敗於前許士政策亦歸無效自去年以來德國之所受制於德國正如一八七〇年至一八七一年德國陷落巴黎後法國所受之痛苦相等天道好還信不謬也

聯軍駐札來因河畔以坐索賠款爲名故軍費均取償於德人其實干涉內政無所不爲英法比三國之駐德軍費超過德總統薪俸五倍以上以致國際感情日趨險惡德民憤激均懷報復之心言論機關均有刺激作用軍備雖爲條約所限制而愛國志士秘密訓練者所在皆是製造軍火亦暗中進行協約國尙不感悟蜂蠻有毒困獸猶鬪

仇讐相報歐洲和平之局恐不能持久也

馬克毛荒幾不可思議余初抵柏林一元美金換一千萬馬克及由法旋柏林旬餘日間復落至一元美金換一萬萬三四千萬馬克忽上忽下幾於一時間中有數種價格故物價亦隨之上落無定在市中購物講定價值即行付款尚可若講價後過數分鐘付錢則價格又增長矣其物價在外國人視之並不爲貴因馬克價低物價雖漲核之外國貨幣尙覺低廉惟德人之收入以馬克爲本位雖薪俸增加十倍二十倍終屬無濟故持薪俸爲生活者不得不節衣縮食或兼營不正當之業以圖存活故男子爲竊盜女子操神女生涯者充塞於途其經濟困難之狀從可知矣

自本年二月法國佔領魯爾後德國即消極抵抗舉凡郵電鐵路礦業各從事員及勞動者均實行罷工目的在於使法人佔領魯爾空無所得其消極抵抗之經費全由政

Reichsbanknote

500 Mark

jählt die Reichsbankhauptkasse in Berlin gegen diese Banknote den Einfieber. Von 1. September 1923 ab kann diese Banknote aufgerufen und unter Täuschungen andere gesetzliche Zahlungsmittel eingesetzen werden.

Berlin, den 25. Juli 1923

Reichsbankdirektorium



A·03653979

Wer Banknoten nachmacht oder verschlägt, oder nachgemachte oder verschlahte sich verschafft und in Verkehr bringt, wird mit Zuchthaus nicht unter zwei Jahren bestraft

克馬萬十五幣紙之行發年三二九一國德係此


府資助不料施行以後法國更再接再厲其壓力愈大終以德國之經費有限供給魯爾地方數萬不生產之工人實無持久之能力於是不得不濫發紙幣以資救濟紙幣愈增價格愈落物價增高亂事四起不惟財政不可收拾恐國家亦將淪於萬劫不復之地余在柏林時各新聞紙曾盛著論說以爲目前欲救德國之滅亡只有改變對法之方針終止消極抵抗之必要果也於余抵莫斯科之前一日（九月二十六日）德總統及全體閣員簽字發表取銷在魯爾消極抵抗之命令其宣言大致謂來因地與魯爾固有之生產力業已停滯以致被佔地與未被佔地之經濟生活日益凌亂艱窘國家資助來因魯爾人士之經費往者無論矣即以目下論上星期爲三萬五千億馬克本星期所費更需十倍使仍不改現行政策恐國家前途益將危險茲爲保持國家存在與人民生活起見實有終止奮鬥之必要然來因與魯爾人士愛國之熱誠則爲國

家始終所感佩今後政府之重要責任即在設法使繫獄者釋出放逐者歸里若剝削
德國之寸土國家則始終不能同意至於能否與德國以和平或更造成惡果亦惟任
佔領國與協約國之便耳嗟嗟德國並消極抵抗亦不能今後惟有低首屈服於協約
國勢力之下而已

九月二日謁見魏公使宸組談及德國之經濟困難已達極點復受協約國追償賠款
更加以法比之侵略土地幾至不克自存恐歐洲和平之局不過目前之假面具而已
言下不勝慨歎余請魏公使介紹參觀克虜伯砲廠及皇宮魏公使稱克虜伯砲廠須
商之協約國公使因該廠爲協約國監視中稍費周折而皇宮則已改爲博物館任人
游覽余辭出後擬赴德國波次達模行宮 (Potsdam) 因本日券已賣盡而未果乃游
覽德皇宮之前見宮室狀麗氣象森嚴惟禁門深鎖自有一種慘淡之景令人不禁荆

棘銅駕之感爲之唏噓者久之宮內劇場今尙時時開演准人民購券入觀其優伶尙是當日內庭供奉者可謂商女不知亡國恨隔江猶唱後庭花也翌日往波次達模行宮乘有軌電車亦可前往余等則乘合乘電車此車專爲游覽行宮之用行四五十分鐘抵湖邊下車改乘汽船船中備有茶飯以供游客之需兩岸林樹參差時有樓臺隱現於其中復有男女雜乘小船蕩槳游戲風景之佳令人歎絕湖名王澤余游覽日本各名勝及俄法德波等國之名勝地其風景之佳局勢之宏無逾於此者惟吾國杭州之西子湖差可比擬湖內運貨之船絡繹不絕聞柏林河道均以人工鑿通以利交通行一點二三十分鐘泊船登岸復乘合乘電車往至則見道路整潔商廈駢列按此行宮所在地原爲普魯斯國王之都城自德意志聯邦成立後德皇遷居柏林此處爲避暑之行宮抵門購券而入建築精雅外觀樸素內則華麗四圍壁上均影塑男女小孩


Potjolani-Sanablio
Groote Houtkasse - Levenshout, Sintong Sanablio



德國波次達次模無憂宮風景

之像間有裸體者陳設皆各國之菁英金銀珠玉纍然雜陳燦爛奪目以至吾國之瓷
器漆器繡貨景泰藍等不一而足行宮附近有從前置吾國觀象臺儀器處今雖物歸
舊主而此處遺迹宛然不禁令人感觸前事也宮內有一室四壁以數十種鑲石嵌成
五光十色異常美觀所掛油畫均係名家手蹟其餘皇后之接待室化粧室更覺華麗
不可名狀迨步至園中見有多人聚集於一小閣前詢知閣內爲維廉第二皇妃之埋
香處殆如吾國之馬嵬坡爲墨客騷人徘徊而不忍去者云以後連日游動物園圖書
館衆議院等處不過規模宏大無甚特異可記至於娛樂場種種遊戲之具皆應用學
理所製造者因無關重要故略之

德國雖處國祚分崩之際而教育事業極力發展不使稍有頓挫可爲知本之謀故學
校之數更多於戰前雖國家財政無論如何困難而教育經費從未縮減以視吾國以




柏林衆議院前立有俾斯麥銅像

教育經費挪充政爭之用甘被摧殘教育之名者其知識相越何啻千里哉

在柏林領赴法護照因簽字須待一星期故至九月十一日始領到當夜十點五十分乘火車起程沿途見德國南部鄉村房屋高敞樓房有三四層者民間富庶較之北部迥然不同翌日午前十時將抵克倫(Köln)站有法兵上車檢查行李按克倫在來因河畔近時法兵佔領故由法國檢查對於德人非常嚴厲其咄咄逼人之狀令人難堪見克倫車站規模宏大車站之下復有地道地道中設有食堂余等下車在此午餐見城中有一教堂崇宏不啻皇宮聞該教堂建築於一千六百零八年其中陳列之像多爲十四五世紀所造者爲世界第三大教堂其第一爲意大利米蘭城之教堂第二爲聖彼得堡之依沙闍夫教堂工程之大世界殆罕其匹晚六時復乘火車前進九時至比法交界處之比雲站此處地勢低窪不宜耕種而工業尙稱發達是晚檢驗護照六

七次致通宵不得安睡翌晨（九月十三日）六時抵提山站有同車俄人告余曰此處距巴黎僅一時間歐戰時德軍抵此巴黎垂破法軍死拒劇戰多日兩方死傷不可勝數房屋盡行燒毀故現在之房屋均係新建余視之果然七時抵巴黎該俄人甚殷勤下車後導余等往尋旅館遂下榻呂泰西旅館（Hotel Lutetia）該俄人復約余等晚餐迨至彼寓中見其父之照相係一高級軍官其照爲侍從俄皇尼古來一世乘馬同攝者今彼爲新聞記者未免不堪回首矣午間赴我國公使館訪陳公使篤適因赴國際聯盟會議公出未見而回旋有公使館朱秘書世全來謁余請其簽字護照復有留學美術大學生徐悲鴻來謁詢悉彼係寒士家有老母弱弟竟攜其夫人蔣女士毅然來此留學夫人習音樂雖有官費每月祇八百法郎恒苦不足故其夫人每日尙工作一二小時所得工資以補膏火洵有志之士可爲欽佩者也友人孫禹珊亦來訪他

〇三一



巴黎斐旛門

鄉遇故異常親切旋余等同孫徐二君同登凱旋門按該門爲世界著名之建築物法皇拿破侖欲誇其戰績以垂示後人動工於一八〇五年拿破侖死後至一八三六年路易非立時代方告竣工亘三十年之久費千萬法郎之金錢成斯偉大之工程其形四方如希臘羅馬之建築式四周彫刻皆歷史上之戰爭圖形容畢肖觀之不啻讀法國戰史則拿破侖之好大喜功雖百年後猶歷歷在目也英雄偉績雖功敗垂成不克令終而後人於崇拜之中不免有惋惜之意以後連日游覽博物院教堂市政廳馬戲場等處無甚奇異可記參拜拿破侖墓藉致憑弔英雄之意棺爲紅大理石所製係長方形兩端微高聳游人瞻拜者均致敬禮緬想當年勳業之隆殊令人欽佩不置旋往墓傍之傷兵院見殘廢傷兵有手足不全者耳目殘缺者令人動憐憫之思今去停戰已二三年矣過傷兵院猶令人不忍目覩想歐戰正熾時炮火連天血肉橫飛更不知

一一一




巴黎鐵塔

其若何淒慘也兵凶戰危雖勝亦乖人道故聖人慎之

巴黎有鐵塔一座爲世界有數之建築物其高約三百餘米突其地基甚廣全部皆以
鐵製之此塔建於普法戰後蓋法人表示其雖割地賠款而財力仍不稍疲九月十四
日余等往游至則游人如鯽有乘升降機而上者有拾級而登者余則乘升降機而上
至二層時見設有咖啡館以備觀覽者之憩息殆至絕頂則有小商店販賣各種雜物
憑欄遠望則巴黎全市如星羅棋布悉入眼簾沿途之電車汽車往來蠕動小若一粟
惜是日有霧故遙睇遠處不甚了然臨行時購玻璃洋灰碟及銅質牌各一因其上均
有此塔之像留以作紀念也

游凡爾塞皇宮由巴黎乘電車行一點餘鐘抵凡爾塞站下車即往皇宮按此宮爲路
易十四所建普法之戰法敗於普爲城下之盟開會議於此且威廉在此宮內即德意

111國



處字簽議和戰歐宮
水塞爾凡國法

志聯邦皇帝位法人視爲奇恥大辱乃事隔四十餘年此次協約國和議亦開會於此
法人於是吐氣揚眉其不可一世之概可想而知矣宮門前有法王路易十四乘馬銅
像四圍古木參天花草滿地池水一泓錦鱗千尾池中噴水宛如雨灑高及數丈入內
復有房屋如村莊模樣毫無塵囂之氣殊覺別有天地令人心曠神怡也復入博物院
所陳列者有歷代帝王之御物各國之古玩名人繪畫以及金銀器皿五光十色不可
贊述

余決定九月十八日星期二起程回俄於十七日晨十時往公使館答拜兼辭行連日
沈秘書李秘書來訪余因連日游覽在寓時間甚少故均未一晤殊抱歉忱見面時未
免略道失迎之意承彼等約余於午間在萬花酒樓餞行按該酒樓爲巴黎最大之中
國菜館菜亦適口迨飯後在市中散步至晚見街中游女甚多均操神女生涯成羣結

隊華服豔妝即在通衢引誘游客幾與十餘年前吾國上海之四馬路有過之無不及巴黎繁華本爲世界之冠其醜惡婦之多固不待言迨歐戰後男子死亡過多而女子遂多於男子復爲生計所困不得已而營此生涯亦必然之勢也

今法國有最恐慌之一事即人口之耗減是也在一八八六年以前其生育率超過死亡率每年九十萬自此以後人口銳減至一九一二年死亡率超出生育率每年三萬五千大戰期中死亡數超過生育數二百五十二萬七千故法國除損失兵士外且失其未來之一百五十萬小兒一九二一年與一九二二年死亡額驟增結婚額驟減一九二一年生育率降至約萬人中產三十人（上年約萬人中產四十一人）一九二二年復降至約萬人中產十八人所可異者結婚額之抵減此二年間結婚額相差二四〇·〇〇〇蓋已預示生育率之恐慌矣推其原因不外生計艱難致獨身者避妊

者墮胎者風發泉湧不可遏制法國人口總額不過四千萬如此遞減不二百年無噍類矣此可爲法國莫大之隱憂也

巴黎蠟人院亦可爲美術界之特色余等入門見一人坐椅子手執報紙昂首而閱及近視之方知其爲蠟人藝術之精一至於此乎更有歷代帝王及近世名人之像莫不惟妙惟肖栩栩欲活如美國之威爾遜意大利之穆蘇林英姿颯爽之概幾令人不敢逼視有拿破崙死時之象皇后在旁哭泣而一軍官持槍守衛於門及其生前開跳舞會之情形一悲一樂兩相對照頗有寓意存也威廉第二之像則形容枯槁面目黧黑囚禁於鐵柵中身穿兵士服旁置破刀一柄法人恨威廉第二甚深故爲此惡作劇也

由巴黎回莫斯科旅程

九月十八日午後七時起程同行者又增一王仲甫彼係由美回國送行者有孫禹珊

及徐悲鴻夫婦一一與之握別七時餘開車二十日抵柏林仍寓安姆棧旅館稍事休息余因買物須換馬克余往法時美金一元換馬克一千萬今已跌至一萬萬三千萬矣數日之間相差如是之鉅可見德國金融之不安定也二十一日我國公使館送來護照均爲普通而非外交護照公使館員亦不注意余來時係外交護照於是退回請重簽外交護照待至二十三日始將護照簽畢送來即於是晚起程送行者有李雪馥李忠信李寶堂及奉天留學生楊君留英學生邵君等一一與之握別夜十二時開車因未購寢臺頗覺疲倦二十四日晨九時抵華薩下車詢知明晚方有開赴莫斯科之通車於是投宿旅館以事休息二十五日早餐後游覽華薩公園一周見紀念碑記波蘭復國之頌詞復經過皇宮國務總理邸大教堂等建築崇宏街道清潔渡大鐵橋見橋下係電車道民居之在橋下者櫛比雲連其地形之低可知也經過維斯拉河畔碧

水漾洄錦鱗游翔大有濠濮間想風景天然能移我情忽忽不覺六時矣匆促回寓整治行裝赴站於九時五十分開車今日爲中秋節在異國旅途中過節心中頗有感觸古人所謂獨在異鄉爲異客每逢佳節倍思親者良有以也車中玩月爲微雲所蔽不甚朗澈旋即歸寢翌日午前十時抵俄波交界處檢驗護照又來擾人余以外交護照免驗行李亦可謂優待者也午後二點抵俄境車站亦然波俄鐘點因標準地點不同相差一點三十分故開車已七時矣翌日（九月二十七日）午後三時抵莫斯科回至旅館李生闢秀清二僕均不在寓余因小兒希珍赴德留學計其起程日期應可抵莫乃至今未到不知有何阻礙想近日必有家信到莫急欲一閱方可放心故甚爲焦灼晚間俄招待員來寓余告以明日赴博覽會參觀前次未到之處下星期四起程回國今日爲星期四則擬滯留一星期也

補行參觀博覽會

余前記參觀博覽會一節不過陳列已竣者之一部分其餘佈置尚需時日故利用閒暇之時往德法一游迨德法回來陳列均已竣工故繼續參觀至機械部見種種發動機及新式農具以至獵槍電機等甚多走馬看花不及細爲研究况余等均非機械專門故無可記載至紅軍營帳見四壁滿懸紅軍服務圖及識字比較表旁有紅軍爲之講演無非侈談紅軍工作襄助農民之成績以及內勤課程等至製糖廠之出品室見所陳各種模型表示製糖經過之程序至製呢廠之出品處見各種呢絨質地甚佳如洋服材料及毛毯等均甚精絕又土耳其斯坦之出品以棉花蠶絲爲最多餘如乾糞之類亦陳列其中至外國部見各國出品比初次參觀時增加甚多德國出品幾佔全部三分之一足見德國工藝之發達可爲世界冠也吾國出品經前次交涉後已由遠

東部陳列處移至外國部矣惟各國在陳列室外均懸有國旗而吾國無之余囑中東路派來之俄人製吾國國旗懸之乃該俄人推諉不敢主張余卽與該部主任俄員交涉而該員極表贊成遂製五色國旗懸之其餘流覽一周大半爲前次觀過者亦無新奇可記也本日（九月二十八日）晚間回寓聞單培峯君（前華工會長）與尙某被人用鎗狙擊單君傷甚重恐有性命之虞尙某傷稍輕均入病院療治兇手逃逸華工人類不齊無知識者殆居多數故桀驁性成無可理喻械鬥暗殺時有所聞無足奇也

游覽聖彼得堡（彼得格勒）當歐戰時易爲彼得格勒其保字係德意志語

俄自大彼得帝由莫斯科遷都聖彼得堡今蘇俄政府成立於莫斯科則莫斯科建爲新都而聖彼得堡廢爲舊都矣余於九月二十九日午後七時車赴聖彼得堡夜間秋雨瀝瀝秋風瀟瀟殊令人動鄉思也翌日午前十時三十分抵聖彼得堡站下車投寓

於歐羅巴旅館該旅館建築宏壯計有房間三百餘號空閒者過半足見彼京之蕭條
也用電話告知俄外部駐彼京之委員該委員旋即來寓道歉失迎余與之互道寒暄
遂約定本日先在街市後赴皇村游覽見市中建築之美麗宏大一切制度純粹歐洲
式與莫城之夾帶東亞色彩者不同馳道皆木塊砌成較上海之南京路東京之銀座
通尤爲美觀惜自革命以來久未修理更多處被人掘爲燃料凹凸崎嶇爲交通之
梗良可傷也其最大之教堂爲依薩克（名）達利馬（姓）（即其神名）以之名堂爲
敬神之意按此堂之歷史當大彼得帝時先在海軍大將街修造木造教堂於一七一
〇年被焚於火更在大理院街建一新教堂費十年之久工程始竣乃於一七三五年
復焚於火至女帝耶喀切林時代於一七六八年本擬大興土木建築斯堂未幾耶喀
切林去世而未果至亞歷山大一世繼承其先志於一八一八年興工建築迨亞歷山

大二世時代於一八五八年始克竣工費四十年之時日耗二千八百萬之魯布聞其高四十七俄丈（每俄丈合中國六尺六寸）面積長七十二俄丈寬五十五俄丈其工程之偉大雄壯可以想見金頂燦爛鐘聲鏗鏘均得在數十里外見之聞之更有一教堂爲亞歷山大二世於一八八一年被虛無黨刺死之處建築教堂以作紀念由斯堂而出往也瓦河路過俄皇閱兵場面積極廣今已改爲公園矣中央爲革命諸烈士八百餘人叢葬之墓外圍大理石之城洞闢西門石壁遍刻崇拜憑弔之詞及被難者之姓名前進數武即也瓦河縱貫彼得堡城西北流入芬蘭灣河中船舶甚多左岸爲皇宮崇樓高閣簷牙相錯右岸爲人造之海港不過聊具形式無裨實用也岸畔有歷代之陵寢在焉復乘摩托車行一點餘鐘抵皇村距聖彼得堡約中國里二十餘里道路泥濘殊令人生不快之感該皇村前此係俄皇避暑之行宮四圍房屋甚多似爲侍衛

及各大臣之朝房先至俄皇尼古拉二世之故宮其中寢室食堂書室接待室浴室設備完全一切陳設皆仍其舊並無變更蓋俄國革命時尼古拉二世正在宮中祈禱即被拘囚係一九一七年二月二十八日之事與梁武帝俟佛而身亡國滅者何其相類也其接待室之樓上有一室據俄指導員云俄皇接見大臣時皇后在此竊聽因俄皇性懦而皇后弄權干政牝雞司晨國焉得而不亡乎由此至亞歷山大三世及女皇耶喀切林之宮均極壯麗陳設萃世界之精英珍寶充積不勝殫述其中吾國之磁器繪畫亦不少因爲時已晚不及遍游悵然返寓翌日（十月一日）同招待員至冬宮附近之愛米耳塔陳列所見陳列金銀器皿極多并有銀棺一具亦可謂窮奢極侈矣其餘油畫一類亦居多數除俄之本國外法德荷蘭意大利西班牙等各國之品分部陳列磁器亦然惟彫刻人像則以希臘爲首羅馬次之雖殘缺不完者亦列其中吉光片羽

好古者所珍如拱璧也據該所指導員述云希臘以美爲尙羅馬以肖爲貴此二國不同之點也其餘埃及之石棺蓋上刻以人形并埃及文字更有古屍一具剝去臟腑塗以防腐之劑置於棺中永不朽爛殆經千餘年矣此卽所謂木乃伊也更有人之五臟煉製於玻璃瓶中已成黑色固體殆亦數百年之物更有古時殉葬之泥製人形及畜類亦可見古俗之一班由此而往爲冬宮係俄皇冬季駐蹕之所後臨也瓦河風景絕佳其前爲閱兵場宮內有亞歷山大二世之寢床床褥上留有血跡其時計之針尙指三點二十五分蓋亞歷山大二世被刺回宮棄世正三點二十五分也其俄皇御用之兵器陳列甚多自俄皇尼古拉二世於一九〇五年被俄民叩闈請願後駐蹕避暑行宮時居多按當時俄民扶老攜幼持旗與佛像擁入此宮請求俄皇與人一點之自由而減輕俄民之負担俄皇卽命軍警開鎗轟退死傷甚多以後俄皇懼民之不利於己



此爲余在大任等招俄待員阿施尼斯君斯照拍之像銅得彼大

也故不常幸冬宮矣其中一部分爲革命陳列所有革命黨殉難者之銅像更有死事慘烈之照片令人不忍注目有一樹爲多數黨人縊死於其上者故亦陳列於其中觀畢與關賓如王晦庵及俄外交部之招待員同在彼得大帝銅像前拍一照片以資紀念余在彼得堡購物物價較廉於莫斯科繁華亦遜於莫斯科且莫斯科在開會期中亦爲特別者也於十月二日回莫斯科整備行裝辭別各處定於四日起程回國

由莫京回國途中之經歷

余歸期定後接赤塔王領事鴻年來電稱小兒希珍於十月七日抵莫斯科余因歸期已定不便再留余復亟欲一晤以詢家祖父之安康乃請於俄外交總長齊切林氏飭令車隊長於余車與赤塔來車相遇時雙方暫停以圖父子一聚齊氏允之余遂於十月四日午後三點起程送行者俄外交部員及吾國領事館員等一一與之握手開車

後車中尙屬平安十月六日午前二點半鐘車抵維利沙根站知由赤塔西來之車將到遂令車隊長通知站長飭令兩方同時停車該站長以行車規則西行之車進站東行之車即時開行不允所請乃車隊長示以字條云奉外交總長命令兩車須同時停止該站長始允至三點鐘西行之車到站余同隨員關賓如君及車隊長上車尋覓乃珍兒與同伴張錦華王鐵珊諸人正在睡夢中喚醒之詢悉家祖父身體康健余心爲之大慰並預書手諭數條與之無非訓勉之詞蓋恐車停時間短促致有遺忘之事也車停十五分鐘遂分袂而別汽笛一聲車向東西而馳在數萬里外父子相遇雖心神爲之一快而無如時間過短也十月十日爲吾國國慶紀念日即在車中食堂與隨員等小飲舉行慶祝典禮十一日晨車繞貝加爾湖而行見湖濱已有積雪尙在陰歷九月初二日也古詩云胡天八月即飛雪信然十二日晨七時抵赤塔氣候甚寒下車有

赤塔交通部派員備摩托車來迎即往旅館休息旋往拜謁赤塔交通次長巴爾斯基
車務總辦尼果斯基中央執行委員部長巴夫羅夫及吾國駐赤領事王鴻年即在王
領事處聞悉北京國會已於十月五日選舉曹錕爲大總統矣晚間即在領事館晚餐
翌日（十三日）午前八時起程承赤塔交通部特爲掛頭等專車一輛送行者王領事
及赤塔交通部代表中央執行部代表等十四日午前七時抵滿洲里萬司令壽山派
員備車迎至司令部稍事休息晚間即起程乘中東路車於十五日午後四時餘抵哈
爾濱站到站迎接者有袁董事潔珊張司令召棠劉總辦海泉馬行長子元及俄新聞
記者數人下車後一一與之握手周旋承袁潔珊董事爲余洗塵設宴於新世界在座
均係舊友互道契闊余稍述在俄之聞見宴畢復往蔡品二道尹公署始知余蒙奉天
省長調署洮昌道尹接余後任者爲喬漢章中將廢雲也翌日赴各機關拜客午後起

程回奉於十七日午後抵奉天站下車即往總司令部及省長公署復命此次游程三萬里歷時三閏月經過四名國想國人急欲一覘其內容者不乏其人故余僅就管窺蠡測之見不揣固陋聊記一二以備覘國者之參攷焉

自跋

余撰游記竟重有感焉夫俄農國也而土地均隸於大地主大僧侶農民無與焉胼手胝足終歲勤勞妻若子恒不得溫飽大地主更擢殘逼抑唯恐不至謂爲農奴非過當也大資本家之專橫與大地主等工人之受其壓迫無異於農均勢弱莫之能抗然思得間食其肉而寢其皮者久矣故一聞列寧共產主義之說以爲可快報復而脫羈絆舉國響應靡然風從遂一發而不可收拾初固未嘗計其主義之果利於己否也卒之大地主及大資本家剝削無餘向之恣睢暴戾敲骨吸髓以供一人一家之豪華縱恣者今皆流離亡命甚至轉於溝壑流爲乞丐噬臍無及固何待言而一般農工附和共產主義者徒擁虛名未沾實惠大部分人民仍不免於凍餒轉有今不如昔之感且困於苛稅時思反抗而卒莫能逞與昔之呻吟於大地主資本家淫威之下殆無以異吁

可悲矣德法同爲一時之強國歐戰以還德之元氣漸減垂盡然法固戰勝國也乃市
廳之凋敝經濟之緊迫與戰前不可同日語余至德法去歐戰已數年猶氣象荒涼傷
兵滿目則古人所謂兵凶戰危寧非至言哉世之以兵力自雄者當亦知所戒矣波蘭
之瓜分於德俄等國垂二百年彼德俄以爲可長此據有也慘淡經營不遺餘力華薩
市之鐵道如織工廠如林建築精良道路完美今乃悉舉以畀諸波人且不惟恢復其
原有之疆域又割德俄國土若干以附益之昔人詠蜂云採得百花成蜜後不知辛苦
爲誰忙信哉言也彼虎視眈眈思效法德俄當日者當亦憬然悟而廢然返歟或曰自
俄行共產制以來世界各國視爲癟疫深恐傳染而崇拜其主義者又頗不乏人吾予
觀之其主義究竟良否將來足以流行全世界否曰此一問題雖集世界之通人碩士
於一堂而討論之恐亦未易解決如余淺識敢逞臆談雖然亦有說焉夫共產主義創

自德人馬克斯俄人首先試驗吾人宜取旁觀態度以覘其竟如其良也自可彷行否則當引大戒毋自貽戚惟蘇俄自實行此主義以來內而人民反抗外而各國封鎖金融滯塞糧食缺乏已深悟其主義之不可行故於一九二一年改行新經濟政策允許人民以小資本經營工商各業是其共產主義早已犧牲殆盡謂蘇俄今日猶實行其主義者誤也故余深願吾國之大地主及資本家對於勞動階級時存胞與之懷力謀救濟之法毋稍侵陵壓迫使有铤而走險之念吾勞動界之同胞亦宜力自振作以謀生活毋效餓之盲從取快輕於試驗而同歸於盡是則區區草此游記之微意也夫



新俄遊記勘誤一覽表

百數	行數	字數	錯	字	應改字
17	6	10	11	附屬	鐵路用
17	6	28	29	30	民政部衍文
23	10	理	理		
28	24	情	事		
28	6	彼	彼		
50	35	5	2		
50	42	9	21	羅下添瓦特	
52	42	9	21	羅下添瓦特	
52	3	3	29	數之	之數
52	1	1	29	仰臘	仰視牆
52	6	6	30	聯邦	
82	32	捲	捲		
82	6	3	29	仰臘	仰視牆
82	5	5	30	聯邦	
80	14	14	兵卽	卽兵	
80	15	15	兵卽	卽兵	
119	銷	銷			
119	鎮	鎮			
120	之價	之價			
120	之代價	之代價			
全	正	甚			
全	德	法			
全	持	特			
7	6	6			
7	4	4			
7	18	18			
7	敵	敵			
5	俄	俄			
5	下添人	人			
153	128	120			

